





心臟方 凡八類

心臟脈論第一 論一首

論曰心主神神者五臟專精之本也為帝王監領四方夏王七十二日位在南方離宮火也有生之來謂之精兩精相搏謂之神所以任物謂之心神者心之藏也舌者心之官故心氣通於舌舌和則能審五味矣心在竅為耳夫心者火也腎者水也水火相濟心氣通於舌舌非竅也其通於竅者寄見於耳左耳丙右耳丁循環炎宮上出脣口知味榮華於耳外主血內主五音心重十二兩中有三毛七孔盛精汁三合神名响响主藏神號五神居隨節應會故云心臟脈舍神在氣為吞在液為汗心氣虛則悲不已實則笑不休心氣虛則夢救火陽物得其時則夢燔灼心氣盛則夢喜笑及恐畏厥氣客於心則夢邱山烟火凡心臟象火與小腸合為腑其經手少陰與太陽為表裏其脈洪相於春王於夏夏時萬物茂盛垂枝布葉皆下垂如曲故名曰鈎心脈洪大而長洪則衛氣實實則氣無從出大則榮氣萌萌洪相薄可以發汗故名曰長長洪相得即引水漿灌溉經絡津液皮膚太陽洪大皆是母軀幸得戊己用牢根株陽氣上出汗見於頭五內乾枯胞中空虛醫反下之此為重虛脈浮有表無裏陽無所使不但危身并中其母夏脈如鈎夏脈心也南方火也萬物之所以盛長也故其氣來盛去衰故曰鈎反此者病何如而反其氣來盛去亦盛此謂太過病在外其來不盛去反盛此謂不及病在內太過則令人身熱而膚痛為浸淫不及則令人煩心上見咳唾下為氣泄 心脈來累累如連珠如循琅玕曰平夏以胃氣為本心脈來喘喘連屬其中微曲曰心病心脈來前曲後居如操帶鈎曰必死 真心脈至堅而搏如循薏苡子累累然色赤黑不澤毛折乃死 夏胃微鈎曰平鈎多胃少曰心病但鈎無胃曰死胃而有石曰冬病石甚曰今病心臟脈脈舍神恍惚思慮則傷神神傷則恐懼自失破胭脫肉毛色悴天死於冬 手少陰氣絕則脈不

通少陰者心脈也心者脈之合也脈不通則血不流血不流則髮不澤面黑如漆柴者血先死壬篤癸死水勝火也 心死臟浮之實如豆麻擊手按之益躁疾者死真心火王其脈浮大而散一作洪曰平反得弦

細而長者是肝之乘心母之歸子為虛邪雖病易治反得大而緩者是脾之乘心子之乘母為寔邪雖病自愈反得沉濡而滑者是腎之乘心水之尅火為賊邪大逆十死不治反得微濕而短者是肺之乘心金

之陵火為微邪雖病即瘥腎乘心必癰 左手關前寸口陰絕者無心脈也若心下熱痛掌中熱時時善嘔口中傷爛刺手少陽治陽左手關前寸口陰實者心實也是心下有水氣憂恚發之刺手心主治陰

心脈來累累如貫珠滑利再至曰平三至曰離經病四至脫精五至死六至命盡手少陰脈也 心脈急甚為瘵瘵微急為心痛引背食不下緩甚為狂笑微緩為伏梁在心上下行有時吐血大甚為喉疥微

大為心痺引背善淚出小甚為善噦微小為消瘴滑甚為善渴微滑為心疝引臍小腹鳴濇甚為瘡微濇為血溢維厥耳鳴癩疾 心脈搏堅而長當病舌卷不能言其濡而散者當病瘡渴自己一作渴赤脈之

至也喘而堅註曰有積氣在中時害於食名心痺得之外疾思慮而心虛故邪從之扁鵲曰心有病則口生瘡腐爛 心在聲為笑在變動為憂在志為喜喜傷心精氣并於心則喜心虛則悲悲則憂實則笑笑

則喜 時主夏病者時間時甚知其源取其腧觀其應審其害 病先發於心者心痛一日之肺喘咳三日之肝脇痛支滿五日之脾閉塞不通身痛體重三日不已死冬夜半夏日中 病在心日中慧夜半甚

平旦靜 假令心病北行若食豚魚得之不者當以冬時發得病以壬癸日也 凡心病之狀胸內痛脇支滿兩脇下痛膺背肩甲間痛兩臂內痛虛則胸腹大脇下與腰背相引而痛取其經手少陰太陽舌下

血者其變病刺郄中血者 心脈沉之小而緊浮之不喘苦心下聚氣而痛食不下喜咽唾時手足熱煩滿時忘不樂喜太息得之憂思 心病其色赤心痛短氣手掌煩熱或啼笑罵詈悲思愁慮面赤身熱其

脈實大而數此為可治宜服關宜服者藥春當刺中衝夏刺勞宮季夏刺大陵皆補之秋刺間使冬刺曲澤皆

心中寒者其人病如噉絳蘆狀劇者心痛徹背背痛徹心如蠶注其脈注者自口入角  
頭面赤而下重心中痛徹背自煩發熱當臍跳手其脈弦此為心臟傷所致也 邪哭使魂魄不安者血  
氣少也血氣少者屬於心心氣虛者其人即畏合目欲眠夢遠行而精神離散魂魄妄行陰氣衰者即為  
癩陽氣衰者即為狂五臟者魂魄宅舍精神之所依托也魂魄飛揚者其五臟空虛也即邪神居之神靈  
所使鬼而下之脈短而微其臟不足則魂魄不安魂屬於肝魄屬於肺肺主津液即為涕泣出肺氣衰者  
即泣出肝氣衰者魂則不安肝主善怒其聲呼 心水者其人身體腫重 而少氣不得卧煩而躁其陰  
大腫 真心痛手足清至節心痛甚者旦發夕死夕發旦死 心腹痛懊懣發作腫聚往來上下行痛有  
休作心腹中熱善渴涎出者是蛇咬也以手聚而堅持之無令得移以大針刺之久持之蟲不動乃出針  
腸中有蟲蛇咬皆不可取以小鍼 心脹者煩心短氣卧不安 凡心脈急名曰心疝小腹當有形其以  
心為牡藏小腸為之使故小腹當有形 診得心積沉而芤時上下無常處病胸滿悸腹中熱面赤咽乾  
心煩掌中熱甚則唾血身癩癩主血厥夏差冬劇色赤也 心之積名曰伏梁起於臍上上至心大如臂  
久久不愈病煩心心心痛以秋庚辛日得之何也腎病傳心心當傳肺肺適以秋王王者不受邪心復欲還  
腎腎不肯受因留結為積故知伏梁以秋得之 心病煩悶少氣大熱熱上湯心嘔咳吐逆狂強語汗出  
如珠身體厥冷其脈當浮今反沉濡而滑其色當赤而復黑者此是水之尅火為大逆十死不治 微音  
人者主心聲也心聲笑其音等其志喜其經手少陰厥逆太陽則榮衛不通陽陰反錯陽氣外擊陰氣內  
傷傷則寒寒則虛虛則驚驚悸心惇定心湯主之 方見第十四卷 語聲前寬後急後聲不續前混後濁口喎冒昧好  
自笑此為厲風入心荊瀝湯主之 方見前 心虛風寒半身不遂骨節離解緩弱不收便利無度口面喎邪  
姜附湯主之 第八卷 此病不盈旬日宜急治之又笑而呻呻而反憂此為水尅火陰擊陽陰起而陽伏伏  
則實實則傷熱熱則狂悶亂冒昧言多謬誤不可採聽此心已傷若其人口唇正赤可療青黃白黑不可

瘡也 心病為瘡者令人心煩甚欲得清水反寒多不甚熱第十卷若其人本來心性和雅而忽弊急反於常白水酒主之第八卷或言未竟便住以手剔脚爪此人必死禍雖未及名曰行尸此心病聲之候也

虛則補之實則瀉之不可治者明以察之 赤為心心合脈赤如雞冠者吉心主舌舌是心之餘其人火

形相比於上徵赤色廣則兌面小頭好肩背脾腹小手足行安地疾行搖肩背肉滿有氣輕財少信多慮

見事明了好顧急心不壽暴死耐春夏不耐秋冬感而生病主手少陰窳窳然鶻骨長短傾正則心

應之正赤色小理者則小小則邪弗能傷易傷以憂粗理者則心大大則虛虛則寒寒則憂不能傷易

傷於邪無鶻骨者則心高高則實實則熱熱則滿於肺中悶而善忘難開以言鶻骨小短舉者則心下下

則藏外易傷於寒易恐以言鶻骨長者則心堅堅則藏安守固鶻骨弱以薄者則心脆脆則善病消瘴熱

中鶻骨直下不舉者則心端正端正則和利難傷鶻骨向一方者則心偏傾偏傾則操持不一無守司也

下云若鶻骨小短薄弱而下則心下下則虛虛則傷寒病憂志內損心暴痛而好唾清涎口臭蟲齒痛侵唇齒若鶻骨高起則心高高則實實則熱熱則滿於心悶而善忘恐悸喉燥口痛牙癰舌傷小兒則便秘

口重舌驚口聲嘶 凡人部分陷起者必有病生小腸太陽為心之部其處陷起即病生矣藏舍內外部亦

方見頭面方中 內外沉濁屬內浮清居外若外病內入小腹滿起內病裏出所部陷沒外入內前治陽後補陰內出外前

補陰後瀉陽陽則實熱陰則虛寒在陽主外在陰主內凡人死生休咎則藏神前變形於外人心前病則

口為之開張若心前死則枯黑語聲不轉若天中等分暮色應之必死不治看應增損酌賒促賒則不

出四百日內促則不延旬月之間心病少愈而卒死何以知之曰赤黑色黯黯如博碁見頰度年上此必

卒死心絕一日死何以知之兩目回回直視肩息立死凡面赤目白憂恚思慮心氣內索面色反好急求

棺槨不過十日死又面黃目赤不死如衄血血死吉凶之色若在於分部臍臍而見赤黑入口此必死

不出其年名曰行尸若年上無應三年之中病必死矣 夏火心脈色赤主手太陽也夏取盛經分膝夏

者火始治心氣始長脈瘦氣弱陽氣留溢熱重分膝內至於經故取盛經分膝絕膚而病去者邪居淺也

下其支者後走腋後廉上繞肩甲循頸出足太陽之筋前結於耳後完骨其支者入耳中直出耳上下結於頤上屬目外眥 其脈起於小指之端循手外側上腕出踝中直上循臂骨下廉出肘內側兩骨之間上循臑外後廉出肩解繞肩甲交肩入缺盆向腋絡心循咽下膈抵胃屬小腸其支者從缺盆循頤上頰至目銳眥却入耳中其支者別頰上頰抵鼻至目內眥斜絡於顴合手少陰為表裏少陽本在兌骨之端應在背後同會於手太陰 其手太陽之別名曰支正上腕五寸內注少陰其別者上走肘絡肩髃主心生病病寔則小腸熱熱則節弛弛則陽病腸脈大反逆於寸口再倍病則嗑痛頤腫耳聾目黃卧不能言悶則急坐虛則小腸寒寒則生虺虺則陰病陰脈反小於寸口過於一倍病則短氣百節痛筋急頸痛不能轉顧此盡是手太陽小腸經筋脈支別為病今取心主胞絡少陰心經附於後手心主之別名曰內關去腕五寸甲乙作二寸出於兩筋間循經以上繫於心包絡心系氣寔則心痛虛則為煩心取之兩筋間 手心主之脈起於胸中出屬心包下膈歷絡三焦其支者循胸出脇下腋三寸上抵腋下循臑內行太陰少陰之間入肘中下臂行兩筋之間入掌中循中指出其端其支者別掌中循小指次指出其端也是動則病手心熱肘臂攣急腋腫甚則胸脇支滿心中澹澹大動面赤目黃善笑不休是主脈所生病者煩心心痛掌中熱為此諸病甚則瀉之虛則補之熱則疾之寒則留之陷下則灸之不盛不虛以經取之盛者則寸口大一倍於人迎虛者則寸口反小於人迎 手少陰之別名曰通理在腕後一寸別而上行循經入咽中系舌本屬目系其寔則大膈虛則不能言取之掌後一寸別走太陽 手少陰之脈起於心中出屬心系下膈絡小腸其支者從心系上挾咽系目系系目系一作循胸出膈其直者復從心系却上肺出腋下下循臑內後廉行太陰心主之後下肘內廉循臂內後廉抵掌後兌骨之端入掌後內廉循小指之內出其端是動則病嗑乾心痛渴而欲飲是為臂厥是主心所生病者目黃脇滿痛臑臂內後廉痛厥掌中熱痛為此諸病盛則瀉之虛則補之盛者則寸口大再倍於人迎虛者則寸口反小於人迎 手少陰之脈獨無輸何也曰少陰者心脈也心者五

臟六腑之大主為帝王精神之所舍其臟堅固邪不能容容之則傷心心傷則神去神去則身死故諸邪在於心者皆在心之包絡包絡者心主之脈故少陰無輸也少陰無輸心不病乎曰其外經腑病臟不病故獨取其經於掌後兌骨之端也 夏三月主心小腸赤脈攢病其源從少陰太陽之氣相搏而停則榮衛不通皮肉痛起太陽動發少陰淫邪之氣因而作則臟腑隨時受夏疫病也其病相若腑虛則為陰邪氣所傷身戰脈掉捉所不禁若臟實則為陽毒所侵肉熱口開舌破咽塞聲嘶故曰赤脈攢病方見傷寒卷中 扁鵲云灸腎肝心三膻主治丹一作毒病當依源為治表治陰陽調和臟腑疾不生矣

心虛實第二脈四首 方十一首

心實熱 左手寸口人迎以前脈陰實者手少陰經也病苦閉大便不利腹滿四肢重身熱名曰心實熱也

石膏湯 治心熱實或欲吐吐而不出煩悶喘急頭痛方 石膏一斤 淡竹葉 香豉各一 小麥 地骨皮 茯苓三兩 梔子仁三十枚 右七味咬咀先以水一斗五升煮小麥竹葉取八升澄清次下諸藥煮

取二升去滓分三服外台名瀉肺湯

衍義 靈樞云手少陰之脈獨無膻少陰心脈也心者五臟六腑之大主也精神之所舍也其臟堅固邪弗能容也容之則傷心心傷則神去神去則死矣故諸邪之在於心者皆在於心之包 包 受邪

則欲吐不吐煩悶喘急故宜石膏清熱降火為主人但知石膏解利陽明熱邪不知本經原有中風寒

熱心下逆氣諸治中藏梔子豉湯主心下懊憹為清膈熱之專藥竹葉解煩清心合地骨皮主五內邪

氣熱中消渴以本經與枸杞同列不分不知實為地骨皮主治也小麥雖為肝穀能助少火而通心包

與瀉心湯中用人參助長諸藥同意彼主乾嘔故用半夏此治心熱故用石膏淡竹同治心熱而所主

各有攸宜也

半夏瀉心湯 治老小下利水穀不消腸中雷鳴心下痞滿乾嘔不安方 人參 黃芩 甘草各一 乾

姜一兩 黃連一兩 半夏半升 大棗十二 右七味咬咀以水八升煮取二升半分三服并治霍亂若寒



加附一校濕加桂薑根二兩唯加桂皮一兩痛加薑一兩  
大黃黃連瀉心湯 治心氣不足吐血衄血方 大黃二兩 黃連 黃芩各一 右三味咀咀以水三升

者取一升頓服亦治霍亂

**行義**

半夏瀉心湯在傷寒治心下滿而不痛在金匱治嘔而腸鳴心下痞千金借以治下利腸鳴心

下痞滿乾嘔似與心臟無關然痞滿雖屬太陽其瑕正在心下駸駸上犯心包不得不以芩連祛熱半

夏滌痰乾姜導火人參甘棗補正祛邪為務也 大黃黃連瀉心湯在傷寒治心下痞按之濡關上脈

浮之證在金匱治心氣不足吐血衄血與千金主治相同總取芩連以清三焦之火大黃以蕩六腑之

滯乃救心包蘊熱之專藥餘說見十卷傷寒門甘草瀉心湯下

心小腸俱實

左手寸口人迎以前脈陰陽俱實者手少陰與巨陽經俱實也病苦頭痛身熱大便難心

腹煩滿不得臥以胃氣不轉水穀實也名曰心小腸俱實

**竹瀝湯**

治心實執驚夢喜笑恐畏悸懼不安方 淡竹瀝 生地黄汁各二兩 石羔八兩 芍藥 白朮

人參

梔子仁各三兩 赤石脂 紫苑 知母 茯神各二兩 右十一味咀咀以水九升煮十味至二升

七合去滓下竹瀝更煎取三升若須利入芒硝二兩去芍藥分三服

**行義**

胃為五臟之本心為五臟之主胃氣不得轉運外則身熱內則便難包絡之火散漫無以主持

神識故用參朮茯神實其中土則火不致於乘虛內擾地黃芍藥石膏知母竹瀝梔子仁得以建清心

降火之功紫苑開結氣於上石脂固藥力於下也

**茯神散**

治心實熱口乾煩渴眠臥不安方 茯神 麥門冬各三十通草 升麻各三紫苑 桂心各

八知母

一兩 赤石脂四兩 大棗二十枚 淡竹茹一塊 右十味治下篩為粗散以綿裹方寸匕井花水

二升半煮取七合時動裹子為一服日再

**行義**

前竹瀝湯治胃氣不能轉運故用人參白朮杜心包火於內此以肺燥不能勝熱故用麥門冬

桂心蒸發津氣於上又以升麻通草上升下泄輔佐清熱導火之方紫苑赤石脂知母茯神與前竹瀝湯不殊也

安心散 治心熱滿煩悶驚恐方 白芍藥 遠志 宿姜各二兩 茯苓 赤石脂 麥門冬 知母 紫苑 石膏各四兩 人參二兩 桂心 麻黃 黃芩各三兩 葶藶六兩 甘草十二兩 右十五味治下篩為粗散

先以水五升淡竹葉一升煮取三升去滓者散一方寸七分以絹裏時動之前取八合為一服日再

行義 此兼竹瀝湯茯神散二方之製方中麻黃遠志葶藶即茯苓散中升麻桂心麥門冬之義人參甘草黃芩即竹瀝湯中人參白朮梔子之義三方合究其微則滋中寓清清中寓散散中寓清之法了然心目矣

治不能食胸中滿膈上逆氣悶熱方 灸心膻二七壯小兒減半

心虛寒 左手寸口人迎以前脈陰虛者手少陰經也病苦悸恐不樂心腹痛難以言心如寒恍惚名曰心虛寒也

茯苓補心湯 治心氣不足善悲愁恚怒衄血面黃煩悶五心熱或獨語不覺咽喉痛舌本強冷涎出作汗善忘恐走不定婦人崩中面色赤方 茯苓四兩 桂心 甘草各一兩 紫石英 人參各一兩 麥門冬三兩 大棗二十枚 赤小豆二十四枚 右八味咬咀以水七升煮取二升分三服

行義 人參茯苓補心少陰氣分石英桂心補心少陰血分甘草大棗乃參苓之匡佐麥門冬赤小豆乃英桂之報使并開泄心包旺氣以療喉舌諸疾石英兼行足厥陰而主婦人崩中以其溫經散結也

半夏補心湯 治心虛寒心中脹滿悲憂或夢山邱平澤者方 半夏六兩 宿姜五兩 茯苓 桂心 枳實 橘皮各三兩 白朮四兩 防風 遠志各二兩 右九味咬咀以水一斗煮取三升分三服

行義 茯苓補心湯兼調肝氣半夏補心湯兼調脾氣方中桂心宿姜溫補心脾枳實橘皮半溫理胃氣

茯苓佐桂心下導虛陽防風佐白朮上散濁濕遠志一味通心氣之專藥

牛髓丸 通治百病虛脊贏之等方 牛髓 羊髓 棗膏 白蜜 酥糖 麥門冬 芎藭 桂心

當歸 茯苓一作茯苓 甘草 羌活各三 乾地黄 乾姜各三十 人參 五味子 防風各一 白朮四十 細

辛十 右十九味切搗十四味篩別研棗膏和散次內諸髓蜜和攪令相得內銅鉢中於釜沸湯中

煎取堪作丸如梧桐子大酒服三十九稍加至四十九日再

**衍義** 牛髓丸治百病虛羸調五臟以心為君主諸臟之氣靡不稟之於君方用桂心茯苓以補心

芎藭當歸以調肝乾姜白朮以溫脾人參麥冬以益肺地黄五味以滋腎甘草棗膏以和胃二髓蜜酥

以充髓羌防細辛以司督脈而禦外邪不但兼調五臟并以交濟陰陽則四維奠安而九重益謐矣

心小腸俱虛 左手寸口人迎以前脈陰陽俱虛者手少陰與巨陽經俱病也病苦洞泄苦寒少氣四肢

厥腸澼名曰心小腸俱虛

大補心湯 治虛損不足心氣弱悸或時妄語四肢損變氣力顏色不榮方 黃芩 附子各一 甘草

茯苓 麥門冬 乾地黄 桂心 阿膠各三 半夏 遠志 石膏各四 生姜六兩 飴糖一斤 大棗十二

枚 右十四味取十三味咬咀以水一斗五升煮取五升湯成下糖分四服

**衍義** 方下所主虛損不足心氣弱悸而方所用反屬足少陰巨陽之藥其義云何夫君主之令良由

相火所司故專取桂附收攝虛陽則麥門冬阿膠茯苓地黄之屬得以上充靈臺其他半夏甘草棗

飴糖寔其土臟黃芩石膏清肅心包遠志交通心腎若腎志不虧遠志似可不用水臟無泄附子儘可

勿施語言無妄心包原無火擾石膏亦宜裁酌四肢安和脾陽猶能自強姜棗飴糖量減未為不可師

古人方須要得古人意活法在心奚必固守成則哉

補心丸 治臟虛善恐怖如魘狀及婦人產後餘疾月經不調方 當歸 防風 芎藭 附子 芍藥

甘草 蜀椒 乾姜 細辛 桂心 半夏 厚朴 大黃 猪苓各一 茯苓一作茯苓 遠志各二 右十

六味為末蜜丸如梧子大酒服五丸日三不知加至十九冷加熱藥

附 各玉先生行義

**行義** 恐怖雖屬心腎之虛然如魘狀乃虛陽鼓激痰涎湧塞心包而成正虛邪實之象虛能受熱故用姜附實能受寒故用大黃獨倍用遠志引領諸藥歸就心包以建補虛逐實之功諸臟安和則君主泰然又何必專用補心之藥乎

心勞第三論一首 方一首

論曰心勞病者補脾氣以益之脾王則感於心矣人逆夏氣則手太陽不長而心氣內洞順之則生逆之則死順之則治逆之則亂反順為逆是謂關格病則生矣

大黃洩熱湯 治心勞熱口為生瘡大便苦難閉澀不通心滿痛小腸熱方 大黃 澤瀉 黃芩 芒

硝 梔子仁各三兩 桂心 通草 石膏各二兩 甘草一兩 大棗二十枚 右十味㕮咀用水九升先以水一

升別浸大黃一宿餘八升煮諸藥取二升五合去滓下大黃煮兩沸去滓下芒硝令烱分三服

**行義** 心勞則火氣內燔勞之太過則心氣內洞固宜補脾以益之土實則火不妄發君主自寧若火

氣方熾又須泄熱為務硝黃石膏群行泄熱惟取桂心為從治之導耳

脈極第四論一首 方一首

論曰凡脈極者主心也心應脈脈與心合心有病從脈起又曰以夏遇病為脈痺脈痺不已復感於邪內舍於心則飲食不為肌膚咳脫血色白不澤其脈空虛口唇見赤色凡脈氣衰血焦髮墮以夏丙丁日得之於傷風損脈為心風心風之狀多汗惡風若脈氣冥則熱熱則傷心使人好怒口為赤赤甚則言語不快血脫色乾燥不澤飲食不為肌膚若脈氣虛則寒寒則咳咳則心痛喉中介介如哽甚則咽腫喉痺故曰心風虛實候也

生地黃煎 治脈熱極則血色脫色白乾燥不澤飲食不為肌膚消熱止極強胃氣方 生地黃汁 生

麥門冬 赤蜜各一 蓴心一作 遠志各二 人參 白朮 茯苓 芍藥 乾地黃各二 甘草二兩 石膏

六兩 生薑各四兩

民國四年石印

**行義** 血枯氣脫脈極而咳故用二地芍藥以滋血參苓朮甘以益氣門冬歲蕪以潤肺葶心石膏以清胃遠志赤蜜以通心而行諸味膩滯之性也

灸法

胸中痛引腰背心下嘔逆面無滋潤灸上門隨年壯穴在俠巨闕兩邊相去各半寸一云 顏色焦枯勞氣失精肩臂痛不得上頭灸肩髃百壯穴在肩外頭近後以手按之有解宛宛中

脈虛實第五論一首方三首  
針灸法二首

論曰凡脈虛者好驚跳不定脈實者洪滿凡脈虛寒之應主於心小腸若其腑臟有病從熱生則應臟寒則應腑也

防風圓 補虛調中治脈虛驚跳不定乍來乍去主小腸腑寒方 防風 桂心 通草 茯神 遠志

麥門冬 甘草 人參 白石英各三兩 右九味為末白蜜和丸如梧子大酒服之十九日再加至四

十九

**行義** 脈虛而用桂心石英遠志當矣反用防風為主兼木通同入手足太陽引領人參茯神等味歸就心與小腸千金真旨於此稍露一斑特為拈出以開學人心目

升麻湯 治脈實洪滿主心熱病方 升麻 子芩 澤瀉 梔子仁 淡竹葉 芒硝各三兩 生地黃切一升

右七味咬咀以水九升煮取三升去滓下芒硝分三服

**行義** 脈實洪滿心與包絡邪實之應心主血故用生地黃黃芩涼血為主然火逆上僭非芒硝梔子

竹葉澤瀉并通二陰不能旋折其威又需升麻開發於上分解壅隆之勢也

麻黃湯 調心洩熱治心脈厥大寸口小腸熱齒齲噬痛方 麻黃 生姜各四兩 細辛 子芩 茯苓

芍藥各三兩 白木二兩 桂心一兩 生地黃切一升 右九味咬咀以水九升煮取三升去滓分三服須利加

芒硝三兩

**行義** 心脈厥大言左寸沉伏而按之益大應指厥厥動搖故宜生地黃黃芩清利伏熱即以麻桂姜

辛辛溫散結茯苓白木填其空以杜火氣之復入芍藥為地黃之佐使勢甚則加芒硝與前升麻湯法

不殊

**鍼灸法**

脈不出鍼不容穴在幽門兩旁各一寸五分是 心悶痛上氣牽引小腸灸巨闕二七壯

**心腹痛第六** 論一首 方二十六首 針灸法二十五首

論曰寒氣卒客於五臟六腑則發卒心痛胸痺感於寒微者為咳甚者為痛為泄厥心痛與背相引善嘔

如物從後觸其心身偃僵者腎心痛也厥心痛腹脹滿心痛甚者胃心痛也厥心痛如以鍼錐刺其心心

痛甚者脾心痛也厥心痛色蒼蒼如死灰狀終日不得大息者肝心痛也厥心痛臥若從心間痛動作痛

益甚色不變者肺心痛也真心痛手足清至節心痛甚旦發夕死夕發旦死心腹中痛發作腫聚

往來上下行痛有休止腹中熱善涎出是虺咬也以手按而堅持之勿令得移以大針刺之復久特之蟲

不動乃出鍼心下不可刺中有成聚不可取於脘腸中有蟲虺咬皆不可取以小鍼

治寒氣卒客於五臟六腑中則發心痛方 大黃 芍藥 柴胡各四兩 升麻 黃芩 桔梗 硃砂各三兩

鬼臼 鬼箭羽 桂心 朴硝各二兩 右十一味 咀以水九升 煮取二升七合 分三服 先分硃砂作

三服 每服內一分 攪勻服之 得快利如痛不止 宜服後方 赤芍六兩 桔梗 杏仁各五兩 右三味 咀

咀以水六升 煮取三升 分三服

**行義** 邪有寒熱之辨痛有臟腑之分而此統言寒熱臟腑者以寒邪伏久而蘊熱熱毒煥發於臟腑

故用升柴開發於上硝蕩滌於下桂芍破寒熱而固結衛茅散賊風惡血鬼臼辟惡氣不祥丹砂攝

擊也

九痛丸

治九種心痛并瘡冷衝上氣落馬隨車血疾等方一蟲心痛二症心痛三風心痛四悸心痛五去心痛此附子 乾姜各二 吳茱萸 人參 巴豆各一 生狼毒 四兩 右六味為末蜜和丸如梧

子大空腹酒服三丸卒中惡腹脹痛口不能言者服五丸日一服連年積冷流注心胸者亦服之好好

將息神驗全匱方用附子三兩 干姜狼牙各一兩

衍義

全匱九痛丸本隸胸痹門後治九種心痛原方用附子三兩乾姜一兩意在辟除腎氣凌心也

千金改用姜附各二兩意在兼理胃中陳積也又原方用生狼牙一兩千金以其難覓改用狼毒四兩

以狼毒性緩不若狼牙之力銳且千金首言蟲心痛故專殺蟲為務濟以巴豆吳茱萸之迅烈助以人

參之振胃驅邪而方仍列心臟門者以諸痛靡不本於血病血則心之所主也喻嘉言曰九種心痛乃

客邪之劇証即腎氣凌心脚氣衝心之別名也痛久血瘀陰邪搏結溫散藥中加生狼牙巴豆吳茱萸

驅之從陰竅而出以其邪據胸中結成堅壘非搗其巢邪終不出耳

治九種心痛方 取當太歲上新生槐枝一握去兩頭吹咀以水三升煮取一升頓服

桂心三物湯 治心中痞諸逆懸痛方 桂心 生薑各二 膠飴半斤

煮取三升去滓內飴分三服仲景用枳實五枚不用膠飴肘後用枳實五枚白朮二兩為五味

衍義

桂心通心氣散血結生薑去穢氣通神明膠飴和脾氣緩急痛凡心痛之屬虛冷者宜之

崔氏烏頭丸

治心痛徹背背痛徹心方 烏頭六銖 附子 蜀椒各半 乾姜 赤石脂各半 右五味

為末蜜丸如梧子大先食服三丸日三不知少增之范汪不用附子服如梧子二丸崔氏用桂心半兩為六味 胸中陽氣不布陰邪襲據所以心痛徹背背痛徹心故金匱取崔氏烏頭赤丸更其名曰赤石

脂丸以烏附椒姜之辛烈破陰復陽石脂之重瀉填塞陰邪往來之路也

治心痛方 桃白皮煮汁空腹以意服之雀心用療

治暴心痛或如中惡口中涎出不可禁止回回欲吐方 苦參一斤 右一味咬咀以水一石煮取二斗

去滓下苦酒二斗更煮取五升加大黃末熬和煮汁中煎令可丸并手丸之如梧子大每服以酒一升

浸三四十日一當倒腹吐不吐下利更酒浸苦參二斤浸久彌佳非正暴痛如骯骨斷等痛凡是腹

中之疾悉主之又宿冷血結陰痺頻用有效大良

治卒中惡心痛方 苦參三兩 右一味咬咀以好醋一升半煮取八合強者頓服老小分二服○又方

桂心一兩 右一味咬咀以水四升煮取一升半分三服

治蟲心痛方 鶴虱為末蜜丸如梧子大服四十九丸蜜湯下日一服可加至五十九丸慎酒肉○又方 鶴

虱一兩為末溫醋一盞和空腹服之蟲當吐出○又方 服漆一合方見後養生服餌篇中凡蟲心

痛皆用漆主之

衍義 桃白皮活血通膈膜滯血 苦參汁入苦酒下大黃末治腹中熱血去宿冷血結陰痺者始由

冷積終變鬱熱也 卒中惡心痛輕者只用苦參苦酒煮服以湧泄之 桂心治痼冷結血 鶴虱治

蟲症心痛取蜜凡誘入蟲口也 鶴虱溫酒和服者取其上涌也 漆能殺蟲然須煨灰用之

五辛湯 治心腹疼痛方 細辛 蜀椒 桂心 乾姜 吳茱萸 芍藥 防風 苦參 甘草 當

歸 乾地黃 酪 梔子 烏梅 大棗各十枚 右十四味咬咀以水九升煮取三升分四服

衍義 細辛椒姜萸桂以散心腹結痛苦參梔子兼歸芍地黃以和營血蘊熱甘草大棗以和五辛二

苦之性并和胃氣行藥力也其妙用尤在防風開發衛氣以通蘊結於外烏梅宣播胃氣以收津液於內

犀角丸 治心腹久痛積年不定不過一時間還發甚則數日不能食又便出乾血窮天下方不能瘥甄

立言處此方數日即愈



附子 光明砂 各六員 齒五枚 巴豆 二十枚 赤足蜈蚣 二枚 右十四味 為末 蜜丸 如梧子 飲服 一丸 日

二漸加至三丸 以微利為度 古今集驗 無雄黃

**衍義** 心腹久痛 積年不定 而至便血 不食 此必毒邪 伏匿於幽隱之處 故立言專以犀麝雄黃等味 辟除惡毒 為主 明砂鎮心安神 貝齒磨堅 破血桂附 鼓激諸藥之性也

高良姜湯 治心腹絞痛 如刺兩脇 支滿煩悶 不可忍方 高良姜 五兩 厚朴 二兩 當歸 桂心 各三

右四味 以水八升 煮取一升 八合 分二服 日三 若一服痛止 便停 不須更服 強者作二服 弱者分

三服

**衍義** 心腹絞痛 而見脇滿 如刺 明係木邪 凌上之寔 症故用良姜厚朴 溫散滯氣 當歸桂心 溫散結

血 兼行心肝肺三經 以破寒積也

當歸湯 治心腹絞痛 諸虛冷氣 滿痛方 當歸 芍藥 厚朴 半夏 各二 桂心 甘草 黃芪 人

參 各二 乾姜 四兩 蜀椒 一兩 右十味 以水一斗 煮取三升 二合 分四服 羸弱人 分六服 小品云 冷加

附子一枚 良

**衍義** 高良姜湯 專主寒結 暴痛 當歸湯 專主虛滿 久痛 故於前方 裁去良姜 之壯火 易入乾姜 以溫

中 兼芍藥 佐當歸 半夏 厚朴 蜀椒 佐桂心 以除旺氣 參芪 甘草 保元氣也

又方 治虛冷腹痛 不下 飲食 食復不消 膨脹者方 當歸 茯苓 各五 黃芪 紫苑 各四 高良姜

乾姜 各六 鹿茸 桂心 肉苳蓉 昆布 橘皮 各三 甘草 二兩 烏頭 二兩 大棗 四十枚 桃仁 一百枚 地骨

皮 法麴 大麥蘖 各一 右十八味 以水一斗 五升 煮取四升 二合 分為五服 下利加赤石脂

龍骨 各三 渴加麥門冬 一升

**衍義** 方中良姜 乾姜 合上二方之義 麴蘖 橘皮 昆布 即上方厚朴 半夏 之義 鹿茸 苳蓉 即上方人參

保元之義 桃仁 即上方芍藥 佐當歸之義 烏頭 即上方蜀椒 佐桂心之義 其他茯苓 紫苑 大棗 地骨皮

附子 光明砂 各六員 齒五枚 巴豆 二十枚 赤足蜈蚣 二枚 右十四味 為末 蜜丸 如梧子 飲服 一丸 日

專解二姜之辛燥也

又方 治寒冷腹中痛方 小品云吳茱萸湯 當歸二兩 桂心 甘草 人參各一 生姜五兩 半夏 小麥各一 吳

茱萸二升 右八味以水一斗五升煮取三升分三服日三亦治產後虛冷

**衍義** 千金以南陽陽明例中吳茱萸湯去大棗之戀膈易甘草以緩痛當歸桂心助吳茱萸以溫血

小麥助人參以益氣半夏助生姜以滌痰痰清氣溫而痛自除乃南陽法中之旨故小品仍以吳茱萸

湯名之

又方 治冷氣脇下往來衝胸脇痛引脇背悶者方 當歸 桂心 人參 甘草 吳茱萸 芍藥

大黃兩各二 茯苓 枳實兩各一 乾姜三兩 右十味以水八升煮取二升半分三服日三並治尸疰

亦佳 外臺仲景方 無茯苓枳實

**衍義** 前方意在祛痰故用半夏佐生姜以散結此方意在蕩寔故用乾姜佐茱萸以泄滿茯苓佐人

參以助氣芍藥佐桂心以和血枳實佐大黃以導滯當歸和血甘草和中心腹諸痛之所必需以其人

本虛邪實非人參姜桂不能助枳實大黃開結導滯之力也

又方 治久寒痼胸腹中痛時下利方 當歸三兩 附子一兩 乾姜 甘草 相皮各二 右五味以

咀以水八升煮取二升分三服日三

**衍義** 胸腹久痛而至時下利陰邪浸淫已極非通脈四逆無以恢復元陽兼當歸之辛溫以和營血

相皮之辛涼以清旺氣相取粵東高涼化州者為勝附以蜀川成都者為優

又方 治久寒宿疾胸腹中痛短氣時滯下利方 當歸 桂心各三 乾姜 四兩 附子一兩 右四味以

咀以水八升煮取二升分三服日三 范注無附子有甘草二兩云虛冷 激痛甚者加黃芪芍藥各二兩

**衍義** 此以前方除去甘草之甘緩相皮之辛散特進桂心配當歸姜附以峻溫營血也

溫中當歸湯 治心腹中痛發作腫聚往來上下痛有沫止多熱喜涎出是此蟲也二三劑後若不效

兩 右七味咬咀以水八升煮取三升分溫五服日三不耐木香者以犀角一兩代之

**行義** 方下所主渾是蟲積患病而用諸藥咸係溫中之品惟桂心入心助火亦能散火厚朴木香得

參苓桂姜迅掃堅積倘素稟津枯不勝燥烈者則以犀角代木香二味冰炭殊遜而散結之力則一

羊肉當歸湯 治腹冷絞痛方 羊肉半斤當歸四兩乾姜 橘皮 黃芪 芍藥 芎藭 桂心 獨

活 防風各三兩吳茱萸 人參 甘草 乾地黄 茯苓各一分生薑六分大棗三十枚 右十七味咬咀

以水一斗半先煮羊肉取一斗出肉內諸藥煮取三升分三服日三覆取溫暖

**行義** 金匱當歸生薑羊肉湯專主產後腹中疴痛及寒疝腹脇急痛千金本之以治腹中絞痛蓋絞

痛與疴痛雖有衝擊結滯之不同而和營散結之治則一如本方合小建中黃芪建中以治虛勞裏急

諸不足合理中八珍以治氣血虛寒諸不足合吳茱萸湯三物大建中以治胃虛嘔逆諸不足建中方

中除去膠飴之結滯理中八珍方中除去白朮之壅閉大建中方中除去蜀椒之耗氣更加獨活防風

佐黃芪以禦外內合邪橘皮佐姜桂以滌涎飲下滯氣也

溫脾湯 治腹痛臍下絞結連臍不止方 甘草 附子 人參 芒硝各一兩當歸 乾姜各三兩大黃五兩

右七味咬咀以水七升煮者三升分服日三

**行義** 臍下腹中明係少陰部分故其治不離通脈四逆湯為主然結痛不止又須附子瀉心湯以苓

連易芒硝而峻攻之加當歸人參以助血氣辟陰邪陰邪散則陽和布土膏煖則君澤施瀉心非在苓

連溫脾專賴硝黃能達斯義則千金以是方歸之心臟有著落矣

生薑湯 治胸腹中卒痛方 生薑一斤食蜜半斤醎四兩 右三味微火上耗令相得適寒溫服三

合日三

**行義** 胸腹中卒痛審無宿滯固結但需生薑以散虛火之逆酥蜜以滋津血之燥不煩猛劑峻攻也

附張路玉先生行義 江左書林發行

熨蒸法

凡心腹腹冷痛者 熱鹽一斗熨或熬蠶沙燒磚石蒸熨取其裏溫煖止蒸土亦大佳

行義

鹹能順下熬之以導火氣蠶沙以逐內犯之風濕

鍼灸法

凡邪在心則病心痛善時眩仆視有餘不足而調其膻 腎心痛先取京骨崑崙發鍼不已取然谷  
 胃心痛取大都太白 脾心痛取然谷太谿 肝心痛取行間太衝 肺心痛取魚際大淵 心痛引腰  
 脊欲嘔刺足少陰 心痛引背不得息刺足少陰不已取手少陰 心痛腹脹瀉瀉然大便秘不利取足太  
 陰 心痛小腹滿上下無常處漫便難刺足厥陰 心痛短氣不足以息刺手太陰 心痛不可按煩心  
 巨闕主之 心痛有三蟲多涎不得反側上腕主之 心痛身寒難以俯仰心疝衝胃死不知人中腕主  
 之 心痛如鉞錐刺然谷及太谿主之 心腹中卒痛石門主之 心疝暴痛取足太陰 心懊懣微痛  
 煩逆灸心膻百壯 心痛如錐刀刺氣結灸膈膻七壯 心痛疝氣灸龍領百壯在鳩尾頭上行一寸  
 半不可刺之 心痛惡氣上脇急痛灸通谷五十壯在乳下二寸 心痛暴絞急絕欲死灸神府百壯在  
 鳩尾正心有忌 心痛堅煩氣結灸太倉百壯 心痛暴惡風灸巨闕百壯 心痛灸臂腕橫文三七壯  
 又灸兩虎口白肉際七壯

胸痺第七論二首 方十二首 灸法五首

論曰胸痺之病令人心中堅滿痞急痛胸中苦痺絞急如刺不得俯仰其胸前皮皆痛手不得犯胸中幅  
 幅而滿短氣咳唾引痛咽塞不利習習如癢喉中乾燥時欲嘔吐煩悶自汗出或徹引背痛不治之數日  
 殺人

行義

胸痺一證古所未有世亦罕究金匱始發其端千金繼統其緒首言心中堅滿痞急痛形容病

出火從內外尋出路也徹引背痛背者胸之府也不治之數日殺人極言其證之劇然病有淺深不可概以為限也

論曰夫脈當取太過與不及陽微陰弦即胸痺而痛所以然者責其極虛故也今陽虛知在上焦所以胸痺心痛者以其人脈陰弦故也

**衍義** 趙以德云陽微在胸中氣分上看故曰陽微知在上焦陰弦在陰脈上看如陰寒之脈上干胸中氣分則為胸痺如陰氣上乘於心則為心痛也

平人無寒熱短氣不足以息者實也

**衍義** 上條是言不及此則言太過也平人蓋言無內傷外感而患短氣不足以息者當是胸中邪氣窒塞腎中陽氣不得上通於胸中故為實也

栝蘘湯 治胸痺病喘息咳唾胸背痛短氣寸脈沉而遲關上小緊數方 栝蘘實 一枚 半夏 半升 蘘白 半斤 枳實 二兩 生姜 四兩 右五味㕮咀以白酒漿一斗煮取四升服一升日三仲景肘後不用生薑枳實半夏

**衍義** 金匱首列栝蘘蘘白白酒湯方用栝蘘實一枚蘘白半斤白酒七升藥止三味治與此例相同趙以德云寸口脈沉遲者陽氣微也關上小緊者胃以上有陰寒結聚所以胸中喘息咳唾胸背痛而短氣栝蘘性潤專以滌垢膩之痰蘘白臭穢用以通穢濁之氣同氣相求也白酒熟穀之液色白上通於胸中使佐藥力上行極而下耳其次方減蘘白五兩加半夏升名栝蘘蘘白半夏湯治胸痺症不得臥心痛徹背以胸中痰垢積滿循脈而益於背背者胸之腑故於前藥量減蘘白之穢濁加半夏以祛痰積之痺逆千金參入枳實生薑以滌痰之藥最勝故蘘白仍照本方不須裁減

枳實蘘白桂枝湯 治胸痺心中痞氣氣結在胸胸滿脇下逆搶上方 枳實 四枚 蘘白 一斤 桂枝 一兩 厚朴 三兩 栝蘘實 一枚 右五味㕮咀以水七升煮取二升半分再服仲景方用厚朴四兩蘘白半斤水五升煮取二升分一服

厚朴 三兩 栝蘘實 一枚 右五味㕮咀以水七升煮取二升半分再服仲景方用厚朴四兩蘘白半斤水五升煮取二升分一服

附張路玉先生衍義 江左書林發行

**行義** 此條金匱主以二方枳實薤白桂枝湯治疫氣結聚於胸中胸滿溢於經脈從脇下逆上以搶於心故用枳實薤白桂枝以分解之若其人素稟之虛即用人參理中以溫散之以此證屬實者多所以千金取前方為例不錄後方也

茯苓湯 治胸中氣塞短氣方 茯苓三兩 甘草一兩 杏仁五十枚 右三味㕮咀以水一斗三升煮取六升去滓為六服日三未瘥更合服

治胸痺候胸中幅幅如滿噎塞習習如癢喉中澀燥唾沫宜此方 橘皮一斤 枳實五枚 生姜半斤 右三味㕮咀以水五升者取二升去滓分再服 金匱名橘皮 枳實生薑湯

**行義** 金匱名茯苓杏仁甘草湯夫短氣不足以息者實也即上條平人無寒熱之例治也橘皮枳實生薑湯即前參入栝蘘湯中二味皆利氣之劑一疏肺氣於上一疏胃氣於中也

治中湯 治胸痺方 方見二十卷勝 脫膈霍亂門 半夏八兩 生薑六兩 橘皮三兩 吳茱萸四十枚 右四味㕮咀以水八升

通氣湯 治胸滿短氣噎塞方 半夏八兩 生薑六兩 橘皮三兩 吳茱萸四十枚 右四味㕮咀以水八升 煮取三升分三服 一方無橘皮用桂心二兩

**行義** 胸痺滿痛短氣皆由痰濕痺著加以噎塞則又木邪乘土胃中陽氣不得宣通之故故取金匱生薑半夏湯合橘皮湯二方并採吳茱萸湯之半以散胃中濁垢兼疏肝氣之逆也

細辛散 治胸痺達背短氣方 細辛 甘草各二兩 枳實 生薑 栝蘘實 乾地黄 白朮各三兩 桂心 茯苓各五兩 右五味治下篩酒服方寸匕日三

**行義** 胸痺達背隱痛胸中大氣不布致濁痰瘀垢攻衝背膈故用姜桂細辛溫利竅枳朮苓甘溫健脾栝蘘滌痰地黃滋血乃橘皮枳實生薑湯之變法也

蜀椒散 治胸痺達背方 蜀椒 食茱萸各一兩 桂心 桔梗各三兩 烏頭半兩 歧六兩 右六味治下篩

致以導虛逆崔氏烏頭丸之變方也

前胡湯 治胸中逆氣心痛微背少氣不食方 前胡 甘草 半夏 芍藥各二兩 黃芩 當歸 人參

桂心各一兩 生薑三兩 大棗三十枚 竹葉一升 右十一味咬咀以水九升煮取三升分四服○又方 前

胡 甘草 半夏 芍藥 人參 茯苓 生薑 麥門冬 錫各三兩 黃芩 當歸 桂心各一兩 大棗

三十 右十三味咬咀以水一斗四升煮取三升去滓分二服

衍義 胸痺多由寒熱之邪痺著心下故金匱咸以辛溫散結滌除痰垢為務千金補所未速復立前

胡湯一方以治風熱內蘊逆氣上攻之證專取前胡之祛風下氣參入桂枝湯中更加半夏以滌痰垢

參歸以助氣血竹葉以泄風熱旺氣也○又方 即於前湯中加麥門冬茯苓清心利水功勝竹葉并

入膠飴以緩急痛內補建中湯成法也

熨背散 治胸背疼痛而悶方 烏頭 細辛 附子 羌活 蜀椒 桂心各五兩 芎藭一兩 右七味

治下篩帛裏熨火炙令煖熨背上取瘻乃止慎生冷如常法

衍義 背者胸之腑烏附蜀椒內服則溫經絡外熨則通腠理佐以辛桂芎藭開導血氣羌活專行脊

脈以予邪之出路變烏頭丸為熨法也

下氣湯 治胸腹背閉滿上氣喘息方 杏仁四七枚 大腹欖榔二七枚 右二味咬咀以童子小便三升煎

取一升半分再服曾惠氣發輒合服之

衍義 借茯苓湯中杏仁以下氣配大腹欖榔以泄滿更需童子小便導之下行然惟初病氣實者宜為

欖榔湯 主破胸背惡氣聲音塞閉方 欖榔極大者四枚 小者八枚 右一味二品咬咀以小兒尿二升半煮減

一升去滓分三服頻與五劑永定

衍義 氣病聲音塞閉故專取大腹欖榔以破惡氣兼小者以散滯血而聲自通矣

灸法

胸痺引背時寒間使圭之 胸痺心痛天井圭之 胸痺心痛不得息痛無常處臨泣圭之 胸痺心痛灸臚中百壯穴在鳩尾上一寸忌鍼 胸痺滿心痛灸期門隨年壯穴在第二肋端乳直下一寸半

頭面風第八方九十二首

芎藭酒 治腦風頭重頸項強眩淚出善欠目欲眠睡憎風劇者耳鳴滿眉眼疼悶吐逆眩倒不自禁

諸風乘虛經五臟六腑皆為癩狂諸邪病悉主之方 芎藭 辛夷 天雄 人參 天門冬 柏子

仁 磁石 石膏 茵芋 山茱萸 白頭翁 桂心 秦朮 松蘿 羚羊角 細辛 薯蕷

芎藭 甘草 雲母 防風 右二十一味 咀咀以酒二斗漬七日初服二合漸加至

五合日三有女人少時患風眩發則倒地為婦積年無兒服此酒并將紫石英門冬丸服之眩瘥生兒

平復紫石英門冬丸見前婦人門中

**衍義** 諸風之患良由心包之火擾動於外故見證種種究其所由不離內火招風是以頭風眩暈牽

引遊風等證諸治悉歸附此如芎藭酒治腦風吐逆癩狂諸邪專以祛風散結清心安神鎮攝虛火為

主方中芎藭辛夷天雄石膏茵芋羚羊白頭翁秦朮松蘿細辛防風一派皆祛風散結之藥兼人參柏

仁天冬薯蕷芎藭甘草清心安神之劑以滋風藥之性磁石山萸桂心雲母鎮攝虛火使不上乘心包

漬之以酒行其藥力也

參湯 治頭眩屋轉眼不得開方 人參 當歸 防風 黃芪 芍藥 麥門冬 獨活 白朮

桂心 右九味 咀咀以水一斗煮取三升分三服

**衍義** 方合保元生脈四君四物建中等方各二平調精津血氣兼取獨活防風透入參芪歸芍劑中

并賴桂心以行其勢允為虛風眩暈之神丹也



治頭風眼欲倒眼旋屋轉腦痛方  
防風 枳實 杏仁 山茱萸 茯苓 麻黃 前胡 牛夏  
生薑各四兩 細辛 二兩 竹瀝 三升 右十一味 㕮咀以水六升 合竹瀝煎取二升 七分三服 頻服三兩

劑佳

**衍義**

前方主風眩嘔逆手足厥冷不但中焦式微抑且邪乘虛陷非椒姜桂附無以搜坎陷之邪○  
又方 治風痰上盛故用防杏麻前芎辛以散表苓半枳姜竹瀝以滌痰一主本虛一治邪寔兩不移  
易之定法

茵芋湯

治風虛眩眼暗方 茵芋 一分 人參 甘草 茯苓 黃芪 茯苓 秦艽 厚朴 烏喙各兩 防風六兩 山茱萸 松實各二兩 右十二味 㕮咀以水一斗 煮取二升 半分五服 強者一日夜盡 羸

劣者二日盡

**衍義**

茵芋烏喙風毒方中眩眩之藥佐以防風黃芪助以參苓甘草更須茯苓山萸以寔下元厚朴  
秦艽推陳致新松實清潤疏風深得補瀉兼濟之妙但烏喙大毒宜以烏頭代之

鷓鴣酒

治頭風眩轉面上遊風方 飛鷓鴣頭五枚 茯苓各一兩 防風 芎藭 薯蕷各四兩 桂心  
細辛 人參 天雄 乾姜 枳實 貫眾 蜀椒各三兩 獨活 一兩 山茱萸 麥門冬一作天 石南一作

石膏各五兩

**衍義**

鷓鴣性重陰毒而能旋風健搏故千金聖惠用其頭以治頭風眩轉及面上遊風總取以毒攻毒  
而已然須以溫補煖腎藥及風藥佐之方克有濟

大三五七散

治頭風眩口喎目斜耳聾方 天雄局方用 細辛各三兩 山茱萸 乾姜各五兩 薯蕷 防風各七兩

小三五七散

治頭風目眩耳聾方 天雄三兩 山茱萸五兩 薯蕷七兩 右三味 治下篩以清酒服五

分七日再不知稍增以知為度

**衍義**

頭風多緣腎水不充痰濕上盛故大三五七散以天雄之純陽峻補三焦壯火祛邪本經治大風寒濕痺歷節痛拘急破積聚邪氣佐以山茱萸逐寒濕痺薯蕷治傷中補虛羸細辛主頭痛腦痛防風治大風頭眩痛乾姜逐風寒濕痺皆頭風門中頂門之錐 小三五七散專主腎肝虛風原無客邪侵擾故去細辛乾姜防風但取薯蕷山萸以緩天雄之性虛風得以自除矣

**茯神湯**

治風眩倒屋轉吐逆惡聞人聲方 茯神 獨活各四兩 黃芪 遠志 防風各五兩 生薑 三兩人參 白朮 甘草 附子 茯苓 當歸 牡蠣各二兩 右十三味以水一斗二升煮取三升服五合一日夜盡

**防風散**

治頭面風在眉間得熱如蟲行或頭眩目中淚出方 防風五兩 桂心 天雄 細辛 人參 附子 烏頭 乾姜 硃砂各二兩 莽草 茯苓 當歸各一兩 右十二味治下篩酒服方寸匕日三〇

**又方**

治風頭眩惡風吐冷水心悶方 防風二兩 桂心一兩 天雄翼方作人參 細辛 附子 薯蕷 澤瀉一作茯苓各一兩 乾姜半兩 白朮二兩 右十味治下篩酒服方寸匕常令酒氣相接則脫巾帽解髮

**梳頭百過復投一升酒便洗手足須臾自熱解髮以粉粉之快然便熟眠愈亦可洗頭面汗出**

翼云如服寒食散法

**衍義**

茯神湯治風眩吐逆惡聞人聲脾腎虛風挾陰火而上逆故用朮附統攝虛風保元固護衛氣歸芪溫補營益茯神遠志交通心腎茯苓牡蠣益精收澀獨活防風搜風逐邪生薑辛散發越諸藥性味也 防風散治風眩淚出乃風毒外擾所以眉間如蟲行狀故用三建湯之天雄烏附佐莽草辛防

以搜風毒參苓乾姜兼當歸桂心以溫血氣丹砂一味安鎮心神不使邪毒干犯君主也〇又方治風眩惡風吐水心悶此陽虛水停心下故用五苓散中之四并雄附姜辛以散水逆薯蕷以療虛風防風

以祛風濕也至於方後服法豈非宿有成驗而為詳述如此

治風並細辛

**衍義** 搗倒無定乃風火相燻之藥方用獨活桂風石膏清火煎養通痺杜實開經服湯身浮得內  
外交攻之妙其妙全在胡瞿一味本經治骨間諸痺四肢拘攣痠疼膝寒陰痿短氣不足脚腫金匱治  
金瘡王不留行散及外臺方多用之此即陸英之野生者世以其賤而棄之

治患頭眩經久得瘥後四體漸羸食無味好食黄土方 麩二斤 白米三斤 右二味為末酒和併手丸  
如梧子曝乾飲服三十九日三斷食土為效

**衍義** 患後體羸好食黄土乃脾傷蟲積之候故以麩术理脾運積作丸緩攻漸圖平復誠非湯藥可  
期應效也

治頭中五十種病方 巴戟 菊花 芎藭 乾姜 栝蒌根 防風 石南 白朮 烏頭 山茱萸  
附子 細辛 薯蕷 蜀椒 乾地黄 人參 桔梗 秦艽 澤瀉 甘草 天雄 羌活 等分

右二十二味治下篩以酒服方寸匕日三

**衍義** 證患龐雜何能逐一主治提綱挈領惟辛涼祛風辛溫散結兼調先後天血氣所謂血行風自  
滅也

摩頭散 治同前 蘭茹 半夏 蜀椒各六分 烏頭八分 桂心七分 莽草 附子 細辛各四分 右八味  
治下篩以大酢和摩頭記日數三日頭膚痛四五日後一著藥如前十日以酢漿洗頭復摩藥即愈若  
生息肉并咽喉中息肉大如榴欲塞以藥摩之即愈耳鼻齒有疾並用之良

**衍義** 蘭茹治大風惡毒半夏逐濕開痰蜀椒治寒熱痺痛烏頭治寒濕痺桂心利關節結氣莽草治  
頭風癰腫附子治寒濕拘攣細辛治頭痛腦痛百節拘攣八味辛散藥中得苦酒之酸收使藥內達以  
搜逐病根何憚風毒不除息肉不化耶

入頂散 治頭面脹滿腦頰偏枯發作有時狀如刀刺失聲陰陰然夜面目變青方 山茱萸 芎藭

千金要方 卷十三 附張路玉先生衍義 十三 江左書林發行

防風 獨活各一兩 細辛 莽草 白朮 薯蕷 牛膝 石南 甘草各一兩 烏頭 通草 葛蒲 附

子 麻黃 天雄 蜀椒 桔梗各一兩 右十九味治下節酒服方寸匕日三

**衍義** 面目變青陰毒上侮陽位也方用小三五七散兼麻附朮三建之製加入莽草椒辛佐雄附烏

麻以追毒風牛膝石南佐茱萸以逐寒痺甘桔芎藭佐薯蕷以補虛羸其獨活防風葛蒲通草祛風利

竅又為莽草之佐使耳

杏仁膏 治上氣頭面風頭痛胸中氣滿奔豚氣上下往來心下煩熱產婦金瘡諸病方 杏仁二升去

仁者不可用 右一味搗研以水一斗濾取汁令盡以銅器煆火上從旦者至日入當熟如脂膏下之空腹

酒服一方寸匕日三不飲酒者以飲服之慎猪魚蒜酢

**衍義** 杏仁治方下等證大都取其下氣氣下則熱自解風自散

大豆酒 治頭風方 大豆三升炒 右一味以一斗二升瓶盛清酒九升乘豆熱即傾著酒中密泥頭

七日溫服之

**衍義** 黑豆入腎搜風淋酒治風毒拘攣與大豆紫湯無異病在氣分宜用杏仁在血分合用大豆

涇渭攸分臨證毋忽

治中風頭痛發熱耳頰急方 麻黃 葛根 石膏 桂心各三兩 附子 芍藥 甘草 秦艽 防風各

兩 生薑五兩 右十味咬咀以水一斗煮取三升分三服覆取汗

**衍義** 頭痛發熱頰急陰邪流入陰位雖在少陽陽明之界端非柴胡可擬非麻葛不解風毒非桂附

不散陰邪秦艽防風生薑為麻葛之匡佐石膏芍藥甘草為桂附之反謀耳

薯蕷散 治頭目有風牽引目睛疼痛偏視不明方 薯蕷三兩 細辛二兩 秦艽 天雄各二兩 獨活 桂

心 吳茱萸各二兩 右七味治下節酒服方寸匕日三

治頭中痛身熱風熱方 竹瀝三升升麻 生姜 杏仁各三兩 柴胡 芍藥各四兩 石膏 生葛根各八

右八味以水六升合竹瀝煮取二升七分三服

**衍義** 頭風屬寒者多屬熱者少此但身熱風熱而無引急吐逆等患洵為風熱無疑故以升柴葛杏

生薑升散客邪竹瀝石南芍藥滋化風濕另闢一番境界具法眼者辨之

菊花散 治頭面遊風方 菊花一兩 細辛 附子 桂心 乾姜 巴戟 人參 石南 天雄 茯苓 秦朮 防己各二兩 防風 白朮 山茱萸 薯蕷各三兩 蜀椒五合 右十七味治下篩酒服方寸

七日三

**衍義** 遊風而用三五七散更加參朮椒附復參桂苓巴戟石南純是溫補下元之品略兼秦朮防己

滲濕開痺惟菊花一味專清面上遊風芍非素稟虛羸無藉大題小做

治頭面上風方 松脂 石鹽 杏仁 蜜蠟各一兩 薑陸香二兩 草麻仁三兩 右六味熟搗作餅淨剝

百會上髮貼膏膏上安紙三日一易若癢刺藥上不久風定

**衍義** 前方主虛羸人面上遊風此專治頭面風熱黃水瘡故用松脂收濕杏仁潤燥薑陸陸止痛草麻

拔毒以戎鹽更堅蜂蠟解毒作膏貼頂上百會穴乃外治之良法

頭風摩散方 附子一枚中形者 鹽如附子大 右二味治下篩沐頭竟以方寸匕摩頂上日三

**衍義** 頭風摩散金匱本治中風喎僻不遂專取附子以散經絡之引急食鹽以治上盛之浮熱千金

借此以治頭面一切久伏之毒風也

治頭風方 服荆瀝不限多少取瘥止○又方 蔓荊子一升為末絹袋盛以酒一斗浸七宿溫服三合

日三○又方 搗蒴藿根一升酒二升漬服汗出止○又方 臘月烏雞屎一升炒令黃為末絹袋盛

以酒三升浸溫服任性常令醺酣○又方 七月七日以麻勃三斗麻子一石末相和蒸之沸湯一石

以酒三升浸溫服任性常令醺酣○又方 七月七日以麻勃三斗麻子一石末相和蒸之沸湯一石

五斗三遍淋之煮取一石清神黼二十斤令發釀黍米二石五斗熟封三七日服清一升百日身中瀟皮入風胸膈五臟骨髓伏風百病悉去

**衍義** 荆瀝治風逐濕解熱祛痰 蔓荊子治骨間寒熱濕痺拘急 蒴藿治骨間諸痺四肢拘急疼

痠 烏雞矢浸酒下氣除風 麻勃治惡風黑色遍身苦癢麻子潤燥去風釀酒治十種大風殊效

治卒中惡風頭痛方 搗生烏頭以大酢和塗故布上薄痛處須臾痛止日夜五六薄逐痛處薄之搗烏頭須

去皮 又方 鹽一升為末以麻油二升煎一宿令消盡塗頭石益尤良○又方 芥子為末酢和敷頭

一周時

**衍義** 烏頭治惡風濕痺專收斂藥力以盡攻毒之功益能夾堅麻油潤燥共襄解毒之力 芥子

散痛消毒豁痰利氣同一頭風取治各別所謂醫不執方合宜而用可也

**衍義** 此後沐頭痛等方所主頭生白屑雖緣肺病究其源多由勞心動氣胞絡火炎上燦肺金所致

是以千金悉附卷末至於髮落不生鬚白禿髮總因衝脈不充無非精血衰耗心勞則火動於中熱發

則風擾於外為患種種未遑逐一衍說姑存以備採用可也

沐頭湯 治肺勞熱不問冬夏老少頭生白屑搔癢不堪然肺為五臟之蓋其勞損傷肺氣衝頭頂致使

頭癢多生白屑搔之隨手起人多患此皆從肺來方 大麻子 秦椒各三升 皂莢半升 右三味

熟研內泔中一宿漬去滓木訕攪百遍乃用沐頭髮際更別作皂莢湯濯之然後傅膏○又方 菊花

獨活 茵芋 防風 細辛 蜀椒 皂莢 杜衡 莽草 桂心等分 右十味作湯沐及髮之○

又方 猪椒根三兩 麻黃根 防風各二兩 細辛 茵芋各一兩 右五味以水三斗煮取一斗去滓溫沐

頭○又方 蜀椒二升水煮沐髮良○又方 葶藶子煮湯沐不過三四度愈○又方 以桑灰汁沐

頭去屑神良

令小冷內生桃葉滿布席就臥令項當藥上以衣著項兩邊令氣蒸病上汗出良久愈若病大者作地坑亦大

犀角湯 治風毒熱頭面腫方 犀角 生姜各兩 苦參 栝藋根 防風各兩 石膏六兩 青木香 黃

芩 升麻各三兩 防己一兩 竹葉二握 右十一味咬咀以水七升煮取二升分三服相去十里久內消

不利

防風散 治頭面遍身風腫方 防風二兩 白芷一兩 白朮三兩 右三味治下篩酒服方寸匕日三

治卒中風頭面腫方 搗杏仁如膏以雞子黃合搗令相得傅帛上厚裹之自乾不過八九傅即瘥

令白髮還黑方 烏麻九蒸九曝為末棗膏為丸久服之○又方 旋覆花一升 桂心一尺 秦椒一升 隴

西白芷一升 右四味治下篩并花水服方寸匕日三服三十日白髮還黑禁房室

沐頭湯 治脈極虛寒鬢髮落隨令髮潤澤方 桑根白皮切三升以水五升淹漬煮五六沸去滓洗沐

髮數數為之自不復落○又方 麻子三升 白桐葉切一 右二味以米泔二斗煮五六沸去滓洗沐

則髮長甚有驗

治髮鬢墮落令生長方 生柏葉切一升 附子四枚 猪膏二升 右三味為末膏和作三十九丸用布裹一丸

內泔中煎沐髮長不落其藥密貯勿令洩氣○又方 柏子仁 附子 蔓荊子各半 右三味以烏

雞膏和搗三千杵貯新磁器中封百日出以馬鬢膏和敷頭訖巾裹之勿令見風日三傅即生肘後不用柏子

仁以酒清澤泔○又方 桑葉 麻葉等分 右二味泔煮去滓沐髮七遍長六尺○又方 羊糞灰淋湯三

日一洗不過十洗大生

摩膏 治頭中二十種病頭眩髮禿落面中風者方 蜀椒 莽草各二桂心 蘭茹 附子 細辛各

兩半 乾姜各一兩 右八味咬咀以生猪肪二十兩合搗令肪消盡藥成先沐頭令淨後以藥摩顛

上日一如非十二月合則用生烏麻油和塗頭皮沐頭令淨乃用之一次生髮如昔必效方無蜀椒草乾姜但分兩不同

生髮膏 治頭中風癢白屑方 蔓荊子 附子 細辛 續斷 零陵香 皂莢 澤蘭 防風 杏

仁 藿香 白芷各二兩 松葉 石南各三兩 莽草 一兩 熊脂 三升 松膏 猪脂 馬鬃膏各二

十八味吹咀以清酒醋各三升漬藥一宿明旦以馬鬃膏等微火煎三上三下以白芷色黃膏成用以

澤髮○又方 烏喙 三兩 莽草 石南 細辛 續斷 皂莢 澤蘭 白朮 辛夷 防風 白芷

酪二竹葉 柏葉 松葉各半 猪脂 四升 右十五味吹咀以清酢三升漬一宿明旦微火以脂煎三

上三下白芷色黃膏成去滓瀉淨於沐髮後塗之 一方用生油三大升用杏仁去白屑良○又方

甘松香 丁香 白芷 澤蘭 桑白皮 桑寄生 大麻子 首宿 杏仁 辛夷仁 牡荊子

芎藭 防風 莽草略一 零陵香 吳霍香 細辛 蜀椒各二 竹葉 松葉 柏葉 胡麻油 臘

猪膏各一 烏雞筋 雁肪各一 右二十五味吹咀以酢漬一宿內油膏中微火煎三上三下白芷色

黃膏成去滓塗頭日二夜一髮生○又方 治髮髮禿落方 莽草 一兩 防風 升麻 白芷 薺尾

各二 蜣螂 四枚 豹膏一作熊膏 猪脂 馬鬃膏 驢鬃膏各半 右十一味其六味吹咀與諸

膏合煎諸藥沸則下停冷復上火三五沸止絞去滓傳頭當澤用之○又方 治眉落髮落復生方

白芷 附子 防風 芎藭 莽草 辛夷 細辛 黃芩 當歸 蜀椒各一 大黃半 蔓荊子 一

升猪膏 三升 馬鬃膏 五合 右十四味熬膏去滓取除日日之正午拔白塗之當日勿飲酒食肉五辛

經一拔黑者更不變也

治染鬚髮方 胡粉 二兩 石灰六兩 絹篩 右二味如粉以榆皮作湯和之先以皂莢湯洗髮令極淨

不得令有膩氣如曝乾夜臥以藥塗髮上令勻訖取桑葉相綴著頭巾上遍以裏髮一夜至旦取作發

十... 卷十三... 民國四年石印



治髮黃方 臘月猪脂和羊屎灰蒲灰等分傳封頭三日一度。又方 大豆五升酢漿水二斗煮取五升沐之

治髮鬢黃赤方 燒梧桐灰用乳汁和塗傳髮鬢即黑

治風頭毛髮落不生方 鐵上生衣研以臘月猪脂和塗之日三亦治眉落

生眉毛方 鐵上生衣 牆上青衣 右二味等分為末水和塗之即生。又方 七月烏麻花陰乾為末以生烏麻油漬之二日一塗

治眉毛鬢髮為火燒瘡痕毛不生方 蒲灰以正月狗腦和傳即生

治髮落不生令長方 麻子一升熬黑壓取油傳頭長髮妙。又方 多取烏麻花磁罈盛密蓋深埋土

中百日出用塗髮令髮易長而黑。又方 用雁肪傳之

治髮黃方 新剪爪甲搔令毛孔少血出以蜜塗之即生黑毛

治髮禿者方 黑熟桑椹子二升內罈中口中曝三七日化為水洗瘡上三七日即生髮神效

松瀝煎 治頭瘡及白禿方 松瀝七合丹砂 雄黃 水銀研各兩黃連三兩礬石一兩 右六味治下

篩內瀝中攪研令調以塗之先以泔清洗髮及瘡令無知然後傳藥二日一傳三傳後更當作膿膿訖

更洗凡經三度膿出訖以甘草湯洗去藥毒前後洗十度即瘥

治白禿髮落生白加終年不瘥方 雌黃 雄黃各一分雞屎白半分 松脂 茯苓各二分 蛇床子 遠志

五味子各三分 兔絲子五分 白蜜一分 右十味治下篩以猪脂一升二合先內雄黃次內雌黃次內雞

屎白次內松脂及蜜又次內諸藥煎之膏成先以桑灰汁洗頭燥傳之

王不留行湯 治白禿及頭面久瘡去蟲止痛方 王不留行 東南桃枝 東引茱萸根皮各五兩 蛇

床子 牡荊子 蒺藜子 苦竹葉格三 大麻仁 一升 右八味咬咀以水二升半煮取一斗洗瘡日

再并瘡癰疽如乳月蝕瘡爛

松脂膏 治白瘡及癰疽百瘡方 松脂六兩 礬石 杜衡一作牡荊 雄黃 真珠 水銀 苦參 大黃

木蘭 石南 秦朮 附子略三 右二十味咬咀以醋漬一宿猪膏一斤半煎之以附子色黃去滓

礬石雄黃水銀更著火三沸安濕地待凝傳上日三

治白禿方 羊肉濕脯炙令香及熱速搭上不過三四度癢勿搔之牛肉亦得○又方 新破猪肛去糞

及熱速搭上癢慎勿搔當縛定手日中臥午後去之 又方 以皂莢湯淨洗乾拭後以陳久油滓塗

之日三○又方 煮桃皮汁飲之并洗○又方 麩鼓二種治下篩酢和傳上○又方 大黑豆炒令

焦為末和臘猪脂熱煖以匙抄封上遍即裹着勿見風

治赤禿方 桑灰汁洗頭令淨桑椹搗傳之日中曝頭睡○又方 馬蹄灰為末以臘月猪脂傳之○又

方 燒牛角灰和猪脂傳之

令髮不生方 蜂灰鷲脂相和新拔去毛即塗孔上永不生

治鬼舐頭方 燒猫兒尿以臘月猪脂和傳上○又方 猫兒毛燒灰以膏和傳之○又方 研末和蒜

搗附日一度

小腸腑方 凡七類

小腸腑脈論第一論一首

論曰小腸腑者主心也舌是其候也心合於小腸小腸者受盛之腑也號監倉吏重二筋十四兩長二丈四尺廣二寸四分難經甲乙云長三丈二尺大後附脊左回疊積其注於回腸者外傳臍上回運環反十六曲常留水穀二斗四升其一斗二升是水一十二升是穀應主二十四氣也難經六十六曲或穀二斗

半甲乙云受三斗三合合之大半脣厚人中長以候小腸小腸病者小腹腰痛脊控暈而痛時窘乏復耳前熱若寒甚獨肩上熱及手小指次指之間熱若脈滑者脈經作隔此其候也小腹控暈引背脊上衝心邪在小腸連暈者系屬於脊貫肝肺絡心系氣盛則厥逆上衝腸胃動肝肺散於盲結於臍故取之盲原以散之刺太陰以與之取厥陰以下之取巨虛下廉以去之按其所過之經以調之左手關前寸口陽絕者無小腸脈也若臍痺小腹中有疝瘕主月即冷上搶心刺手心主治陰心主在掌後橫文中入一分左手關前寸口陽實者小腸實也若心下急熱痺小腸內熱小便赤黃刺手太陽治陽手太陽在手小指外側本節陷中

小腸有寒心下重便膿血有熱必痔小腸有宿食常暮發熱明復止小腸脹者小腹臍脹引腹痛心前受病移於小腸心咳不已則氣與咳俱出厥氣客於小腸夢聚邑街衢心應皮皮厚者脈厚脈厚小腸厚皮薄者脈薄脈薄者小腸薄皮緩者脈緩脈緩者小腸大而長皮薄而脈沖小者小腸小而短諸陽經脈皆多紆屈者小腸結痛鵠云手少陰與太陽為表裏所以表清裏濁清實濁虛故食下腸實而胃虛故腑實而不滿實則傷熱則口張口為之生瘡虛則傷寒寒則便泄膿血或發裏水其根在小腸先從腹起方見治水篇中小腸絕不治六日死何以知之髮直如乾麻不得屈伸自汗不止一手太陽之脈是動則噎痛頷腫不可以顧肩似拔臍似折是主液所生病者耳聾目黃頰頷腫頸肩臍肘臂外

南沙席 世臣野客校

附張路玉先生衍義 江左書林發行

後廉痛 經脈支別已見心臟門中

小腸虛實第二 服二首 方三首 灸法二首

小腸實熱 左手寸口人迎以前脈陽實者手太陽經也病苦身熱來去汗不出心中煩滿身重口中生瘡名曰小腸實熱也

柴胡澤瀉湯 治小腸熱脹口瘡方 柴胡 澤瀉 橘皮一作枳實 黃芩 枳實 旋覆花 升麻

芒硝各三兩 生地黃升切一兩 右九味以水一斗煮取三升去滓內硝分二服

**行義** 小腸腑充受盛職司化物而行君主之令統三焦之權以握中外之機中氣盛則大氣敷布出

內有常中氣衰則清濁不分泄利無度火性易起易滅滅則四大分崩起則一身擾亂如柴胡澤瀉湯

首治火氣外擾熱脹口瘡故以升柴升散於上旋橘開發於中苓澤分利於前硝黃滂滂於後四通分

泄其源廢免遷延之患然恐藥力過峻即以地黃保護心包不使熱邪干犯九五也

大黃丸 治小腸熱結滿不通方 大黃 芍藥 葶蘆各三兩 大戟 朴硝各二兩 巴豆七枚 杏仁五十枚

右七味為末蜜和丸如梧子飲服七丸小兒服二三丸日二熱去日一服

**行義** 熱結不通不用承氣陷胸者以小腸雖居下位治節却在中上二焦故取葶蘆專攻心下逆滿

杏仁開發肺氣於上硝黃滂滂痰垢於下杏仁力綿更借備急丸中巴豆以佐之硝黃性下復採十棗

湯中大戟以激之芍藥一味專護營血即柴胡澤瀉湯中用地黃之意

灸法

小腸熱滿灸陰都隨年壯穴在俠中腕兩邊相去一寸是 小腸泄痢膿血灸橫舍一百壯小兒減之穴

在俠臍兩邊相去各一寸又灸小腸踰七壯

小腸虛寒 左手寸口人迎以前脈陽虛者手太陽經也病苦顛際偏頭痛耳頰痛名曰小腸虛寒也

**行義** 利下赤白而見胸中懊澀虛煩滑脫可知駐車丸中薑連以導虛熱歸膠以和營血參入黃蘗以堅腸滑地榆榴皮以固血脫也

古論第三論一首

論曰舌者心主小腸之候也善用機衡能調五味也凡有所啖若多鹹則舌脈凝而變色多食苦則舌皮槁而外毛焦枯多食辛則舌筋急而爪枯乾多食酸則舌肉肥而脣揭多食甘則舌根痛而外髮落又曰心欲苦肺欲辛肝欲酸脾欲甘腎欲鹹此五味內合五臟之氣也若臟熱則舌生瘡引脣揭赤若腑寒則舌本縮口噤脣青寒宜補之熱宜瀉之不寒不熱依臟腑調之

風眩第四論一首 方九首 灸法一首 食禁一首

前卷既有頭面風方風眩不當分出蓋以此是徐嗣伯方不可以餘方相雜故此特立風眩方條專出

徐氏方馬

徐嗣伯曰余少承家業頗習經方名醫要治備聞之矣自謂風眩多途諸家未能必驗至於此術鄙意偏所究也少來用之百無遺策今年將衰暮恐淹忽不追故顯明證論以貽於後云爾 夫風眩之病起於心氣不定胸上蓄實故有高風高熱之所為也痰熱相感而動風風火相亂則悶瞽故謂之風眩大人曰癩小兒則為癩其實則一此方療治萬無不愈但恐證候不審或致差違大都忌食十二屬肉而奔豚為患發多氣急氣急則死不可救故此二湯是輕重之宜勿因此便謂非患所治風眩湯散丸煎共有十方凡人初發宜急與續命湯困急時但度灸穴便火鍼鍼之無不瘥者初得鍼竟便灸最良灸法次列於後余業之以來三十餘年所救活者數十百人無不瘥矣後人能曉此方幸勿參以餘術焉

續命湯 治風眩發則煩悶無知口沫出四體角弓目反上口噤不得言方 竹瀝一升 生地黃汁一升

龍齒 生薑 防風 麻黃各四兩 防己三兩 石膏七兩 桂心二兩 附子三分 右十味咬咀以水一斗煮

取三升分三服有氣加附子作一兩紫蘇子五合橘皮半兩已服續命湯口開四肢尚未好定而心中尚不除者紫石湯主之方見後紫石煮散是也

**行義** 續命湯行義已見前八卷諸風門中此續命方治風眩煩悶但取麻黃防風桂心附子石膏生薑六味開拓表裏陰陽調通經府寒熱乃加竹瀝以治經絡四肢膜外之痰地黃以治周身臟腑痺著之血龍齒以治驚癇諸瘕癩疾狂走防己以治中風攣急風執諸癩服後口開肢廢癩瘕不除者服紫石散即金匱附方除熱癰疽風引湯是也

**貴豚湯** 治氣奔急欲絕方 吳茱萸一斤 石膏 人參 半夏 芎藭各三 桂心 芍藥 生薑各

分 生葛根 茯苓各十當歸四兩 李根皮一斤 右十二味咬咀以水七升清酒八升煮三升分三服

**行義** 奔豚湯金匱主治氣上衝胸往來寒熱奔豚雖屬腎積而實衝脈為病氣上衝胸者陰邪上逆也往來寒熱者邪正交爭也衝主血故以芎歸芍藥和其淤積之血半夏生薑滌其堅積之痰葛根以通津液李根以降逆氣並未嘗用少陰之藥設泥奔豚為腎積而用伐腎之劑諺之甚矣嗣伯治風眩氣奔欲絕故以桂苓祛風人參壯氣茱萸降逆石膏開泄旺氣為之必需金匱治奔豚寒熱正當用等味而反不用乃以甘草和腹痛黃芩解寒熱者以有形之滯不能速除不若緩攻為得也設其人元氣委頓奔豚固結進用此方未為不可

**防己地黃湯** 治言語狂錯眼目霍霍或言見鬼精神昏亂方 防己 甘草各二 桂心 防風各三 生

地黃五斤別切勿合藥 右五味咬咀以水一升漬一宿絞汁著一面取滓著竹筴上以地黃著藥滓

上於五斗未下蒸之以銅器承取汁飯熟以前藥汁合絞取之分再服

**行義** 此治風眩病言語狂錯精神昏亂與金匱治病如狂狀獨語不休皆驚痰堵塞於心包亂其神

識所致故以防己逐其痰氣防風瀉其木邪桂心通其關竅地黃安其本神甘草專和桂心地黃寒熱之性

葉各二林米三合 右十六味咀取江水高舉手揚三百九十下量取三斗煮米減一斗內半夏復減九升去滓下藥煮取四升分四服無江水處以千里東流水代之

**衍義** 靈樞半夏湯本治厥氣客於臟腑衛氣獨衛其外不得入於陰陰虛故目不瞑飲以半夏湯一劑陰陽一通其臥立至其病新者覆杯則卧汗出則已久者三飲而已蓋取半夏以通其陽流水以通

其陰林米滋其氣化以安神識嗣伯推廣其意類加益氣通神之品治驚悸眩冒不寧等證仍取半夏

流水林米以行諸藥之性也

**防風湯** 眼前湯後四體尚不涼頭目眩轉服此湯大勝宜常服但藥中小小消息隨冷煖耳仍不除瘥

者依此方 防風 石膏 人參 赤石脂 生薑 龍骨 寒水石 茯苓各三 桂心二分 紫石英

一分 右十味咀以水八升煮取三升分三服凡用井花水取清淨也令用江水者無泥沙穢源泉

遠涉順勢歸海不逆上流用以治頭必歸於下故也

**行義** 服薯蕷湯四肢熱尚未除頭目轉覺眩暈虛陽不能即斂故取風引湯中四石龍骨桂心加參

苓以鎮固之生薑開發中氣防風開發表氣風引湯專取大黃引風熱下行此以人參助防風上泄仍

取江水煮服乃薯蕷湯之成法半夏湯之變法也

**薯蕷丸** 治頭目眩冒心中煩鬱驚悸狂癩方 薯蕷八斤 甘草二十 鹿角膠金匱作 大豆黃卷 桂心

各七 乾地黄 神麴 當歸 人參各十 麥門冬 防風 黃芩無金匱 芍藥 白朮各六 柴胡 桔梗

茯苓 杏仁 芫蕪各五 白斂 乾薑各三 大棗一百枚 右二十二味為末棗膏和白蜜丸如彈丸

先食服一九日三

**行義** 夫頭目眩冒心中煩鬱驚悸狂癩與金匱虛勞諸不足風氣百疾之治無異總由腎氣本虛虛

風上盛或表邪不解涼藥誤投傷犯脾肺而成虛勞是以立方專取桂苓和營散邪薑朮兼理藥誤君

以薯蕷大理脾肺豆卷神麵除濕運痰毫不及乎補益腎肝此治眩冒煩鬱驚悸狂癩之疾狂癩雖氣之虛實由木盛生火生痰所致故其治咸不出和營理脾等法也金匱以補虛為務故用阿膠嗣伯以眩冒為主故用鹿膠用黃芩者取以散標熱之上盛也

薯蕷煎 薯蕷二十甘草十四澤瀉 人參 黃芩各四當歸 白斂 桂心 防風各三麥門冬 山

茱萸 桔梗 芍藥 紫菀 大豆黃卷 乾地黄 白朮 芎藭 乾薑 蜀椒各二分並用搗篩生

地黃十八斤搗絞取汁煎令餘半 麀鹿髓 鹿角膠各半斤 麻子仁研蜜升各三 大棗八十枚 桑根白皮自出土者大

溝瀆邊者皆不中用也 右二十七味以清酒二斗四升煮桑白皮麻子仁大棗得一斗去滓次下地黃

汁鹿膠髓蜜煎減半內諸木併煎令可丸如雞子黃大飲服一枚日三稍加至三丸

**衍義** 此即薯蕷丸之變方於前方除去柴胡杏仁茯苓神麵四味參入澤瀉山茱萸紫菀蜀椒生地

黃麀鹿髓麻子仁桑根皮等八味其兼補腎肝之義與前補珠

天雄散 治頭目眩暈屋轉旋倒方 天雄 防風 芎藭 人參 獨活 桂心 葛根各三分 莽草四分

白朮 遠志 薯蕷 茯苓 山茱萸各六分 右十三味治下篩先食以菊花酒服方寸匕日三漸加至

三七以知為度菊乾花酒法九月九日取甘菊花曝乾作末於米醋中蒸作酒

**衍義** 真元下虛風毒上盛而致頭目眩暈屋轉旋倒故用人參茯苓神薯蕷白朮山萸桂心芎藭遠志

填補脾腎莽草天雄獨活防風葛根專祛風毒也

人參丸 治心下恍惚不定方 上黨人參 鬼臼 鐵精 牛黃 雄黃 大黃 丹砂 菖蒲 防

風各一 蜥蜴 赤足蜈蚣各一 右十一味為末蜜丸如梧子大用前菊花酒服七丸日三夜一稍加之

合藥勿用青紙忌見婦人青衣喪孝不具足人及濁穢六畜雞犬等

**衍義** 九味祛風鎮心藥中獨取上黨人參以護心安神大黃辟除風毒用菊花酒專清頭目之風也



其法以繩橫度口至兩邊既得口度之寸數便以其繩一頭更度鼻盡其兩邊兩孔間得鼻度之寸數中屈之取半合於口之全度中屈之先覓頭上迴髮灸之以度度四邊左右前後當繩端而灸前以面為正並依年壯多少一年凡三灸皆須瘡瘻又灸壯數如前若連灸火氣引上其數處迴髮者則灸其近當鼻也若迴髮近額者亦宜灸若指面為癩則闕其面處然病重者亦不得計此也 禁食十二相屬肉物皆不得食其為藥則牛黃龍骨齒用不可廢

風癩第五論四首 方三十六首

論曰黃帝問曰人生而病癩疾者安所得之歧伯對曰此得之在腹中時其母數有所大驚也氣上而不下精氣并居故令子發為癩疾病在諸陽脈且寒且熱諸分且寒且熱名曰狂刺之虛脈視分盡熱病已而止病癩初發歲一發不治月一發不治四五日一發名曰癩疾刺諸分其脈尤寒者以鍼補之病已止癩疾始生先不樂頭重直視舉目赤其作極已而煩心候之於顏取手太陽陽明太陰血變而已癩疾始發而反強因而脊痛候之足太陽陽明太陰手太陽血變而已癩疾始作而引口啼呼甲乙作喘者候之手陽明太陽右強者攻其左左強者攻其右血變而止治癩疾者常與之居察其所當取之處病至視之有過者即瀉之置其血於瓠壺之中至其發時血獨動矣不動灸窮骨二十壯窮骨者尾骶也 骨癩疾者頷齒諸膺分肉皆滿而骨倨強直汗出煩悶嘔多涎沫氣下泄不療 筋癩疾者身拳攣急脈大刺項大經之本杼嘔多涎沫氣下泄不療 脈癩疾者暴仆四肢之脈皆脈而從滿脈盡刺之出血不滿俠項灸太陽又灸帶脈於腰相去三寸諸分肉本膺嘔多涎沫氣下泄不療 治癩者病發而狂面皮厚敦敦者死不療 凡癩發則卧地吐涎沫無知若強掠起如狂及遺糞者難療 癩疾脈搏大滑久自己脈沉小急實死不療小牢急亦不可治脈虛可療實則死矣厥成癩疾五臟不平六腑閉塞之所生也厥成癩故特附厥於此條也陰衰發熱厥陽衰發寒厥 論曰黃帝問曰厥之寒熱者何也歧伯對曰陽氣衰

於下則為寒厥陰氣衰於下則為熱厥問曰熱厥必起於足下者何也對曰陽氣起於足三趾之表集於足下而聚於足心故陽勝則足下熱也問曰寒厥必起於五趾而上於膝者何也對曰陰氣起於五趾之裏集於膝而聚於膝上故陰氣勝則從五趾至膝上寒其寒也不從外而從內也厥或令人腹滿或令人暴不知人或至半日遠至一日乃知人者何也陰氣盛於上則下虛下虛則腹滿腹滿則下氣重上而邪氣逆氣逆則陽氣亂亂則不知人巨陽之厥腫首頭重足不能行發為胸膈陽明之厥癩疾欲走呼腹滿不得卧面赤而熱妄見而妄言少陽之厥暴聾頰腫而熱脇痛髀不可以運太陰之厥腹滿腹脹後不利不欲食食則嘔不得卧少陰之厥古乾溺赤腹滿心痛厥陰之厥小腹腫痛脹溼溼不利好卧屈膝陰縮腫脰內外熱盛則瀉之虛則補之不盛不虛以經取之上寒下熱先刺其項太陽則留之已則火熨項與肩甲令熱下冷乃止所謂推而上之者也上熱下寒視其虛脈而陷下於經絡者取之氣下而止所謂引而下之者也刺熱厥者留鍼反為寒刺寒厥者留鍼反為熱刺熱厥者二陰一陽刺寒厥者二陽一陰所謂二陰者二刺陰也所謂二陽者二刺陽也 論曰溫病熱入腎中亦為瘧小兒病癩熱盛亦為瘧凡風瘡暴尸厥及鬼魘不寤皆相似宜精察之故經言久厥則成癩是以知似也 論曰癩病有五一日陽癩發時如死人遺溺有頃乃解二曰陰癩坐初生小時臍瘡未愈數洗浴因此得之三日風癩發時眼目相引牽縱反急強羊鳴食頃方解由熱作汗出當風因以房室過度醉飲飽滿行事令心氣逼迫短氣脈悸得之四曰濕癩眉頭痛身重坐熱沐髮濕結腦汗未止得之五曰馬癩發時反目口噤手足相引身皆熱坐小時風氣腦熱不和得之

治五癩方 銅青 雄黃 空青 東門上雞頭 水銀各一 猪苓 茯苓 人參 白芷 石長生

白斂 白薇各二 卷栢 烏扇各半 硫黃一兩 右十五味為末以青牛膽和著銅器中於甑中五斗大

豆上蒸之藥成丸如麻子先食服三十九日二夜一

間風毒雜陳即有一二參苓不過藉以鼓動諸藥之勢良非兼補之謂乃西北癩證之的方若大江以南心勞志鬱神出舍空之證金石每多扼腕恒有以烏蠟六君鹿茸八味收功者未可執此舉論也

虎睛丸 治濕癩掣癢口眼張大口出白沫或作聲或死不知人方 虎睛一具酒浸 鬼箭羽 露蜂房

格二獨活 遠志 細辛 貫眾 麝香 白斂一作白薇 升麻 白蘚皮各三兩 牛黃 防風 秦艽 防

葵 龍齒 黃芩 雄黃 山茱萸 防己 茯苓 鐵精 鬼白 乾地黄一作乾薑 人參 大黃 銀

屑格四 茯神 石膏 天雄格五 寒水石六分 蛇蛻皮一尺 右三十二味為末蜜丸如梧子大酒服十

五丸日再稍加至二十五丸神效

**行義** 虎睛龍齒定魄安魂牛黃麝香滌痰利竅蜂房蛇蛻攻毒祛風鐵精銀屑辟邪鎮驚雄黃石膏

破惡散結防葵天雄出陰入陽升麻大黃升清降濁人參地黃導氣和血其餘風藥毒藥總皆匡佐之

流耳如無虎睛珍珠代用可也

凡癩發之候其狀多端口邊白沫動無常者治之方 秦艽 人參 防葵一作防風 茯神一作牡丹 甘草各二兩 鉛

丹一兩 貫眾一枚 右七味咬咀以水九升煮取三升半分三服

**行義** 七味藥中鎮驚祛風解毒安神無不悉具

雄雌丸 治風癩失性顛倒欲死五癩驚癩方 雄黃 雌黃 真珠各一兩 鉛二兩 熟丹砂一分 水銀

八分 右六味為末以蜜和搗三萬杵丸如胡豆先食服三九日二稍加以知為度古今錄驗云療五癩

馬鳴狗癩則狗鳴羊癩則羊鳴雞癩則雞鳴病五臟狂病者

肝臟相引盈氣起寒厥不識人氣靜言狂吐沫久而得蘇者

**行義** 此方專以金石鎮固惟真珠一味清心安神然病發之始切不可輕投金石開門逐寇亦不得

擅用補益使痰永積而成固疾也 續命風引湯 治中風癩眩不知人狂言舌腫出方 麻黃 芎藭 石膏 人參 防風各三 桂心

甘草 獨活略二 防己 附子 當歸略一 杏仁三十 陳薑五兩一本 右十三味 咀咀以酒三升水一斗 合煎取四升分四服日三夜一

**行義** 此於小續命方中去黃芩芍藥加石膏獨活以祛風熱其小續命方行義見八卷諸風門中

紫石散 治大人風引小兒驚癇瘕瘰日數十發醫所不療者方 紫石英 滑石 白石脂 凝水石

石膏 赤石脂各六兩 甘草 桂心 牡蠣各五兩 大黃 乾薑 龍骨各四兩 右十二味治下篩為粗散盛

以韋囊懸高涼處欲用取三指撮以新汲井水三升煮取一升二合大人頓服未百日兒服一合未能服者以綿沾著口中熱多者日四五服以意消息之深師方只龍骨牡蠣乾薑滑石白石脂五味

**行義** 此徐嗣伯風眩門中十方之一金匱名風引湯專主內發之風趙以德曰風者外司厥陰內應肝木上隸手經下隸足經中見少陽相火所以風自內發者由火熱而生也風生必害中土土病則四末不用聚液成痰癱者風木挾痰注於四肢也癇者風熱擾其筋脈內應於心主也前續命風引湯祛風外散此紫石散引風內泄故用大黃兼甘草桂心滑石石膏以化風熱乾薑以為反謀使火無拒格之虞紫石英寒水石以潤血燥赤白石脂龍骨牡蠣以補其空絕風火復來之路也

治百二十種風癇癩驚狂發即吐沫不識人者四月五月宜服之方 紫石英 芍藥 龍骨一作黃芩 赤石脂 白鮮皮 麻黃 當歸 甘草 桔萎根 桂心 人參略二 牡蠣三兩 大黃五兩 右十三

味治下篩為粗散分作七裹每以大棗十枚水三升煮取二升半去滓下一裹大棗汁中煎取一升去滓頓服相去七日一服服訖即瘥

**行義** 採續命風引二方之要合而為一參入鮮皮桔萎以化外內風熱用棗湯煮取助脾氣以行藥力也

治癩癇厥時發作方 防葵 代赭石 人參 鉛丹 白殭蠶 鈎藤 茯神 雷丸 虎骨 生豬

齒 遠志 桂心 防風 葛根 麻黃 當歸 甘草 桔萎根 桂心 人參 略二 牡蠣 三兩 大黃 五兩 右十三

味治下篩為粗散分作七裹每以大棗十枚水三升煮取二升半去滓下一裹大棗汁中煎取一升去滓頓服相去七日一服服訖即瘥

**行義** 採續命風引二方之要合而為一參入鮮皮桔萎以化外內風熱用棗湯煮取助脾氣以行藥力也

治癩癇厥時發作方 防葵 代赭石 人參 鉛丹 白殭蠶 鈎藤 茯神 雷丸 虎骨 生豬

齒 遠志 桂心 防風 葛根 麻黃 當歸 甘草 桔萎根 桂心 人參 略二 牡蠣 三兩 大黃 五兩 右十三

味治下篩為粗散分作七裹每以大棗十枚水三升煮取二升半去滓下一裹大棗汁中煎取一升去滓頓服相去七日一服服訖即瘥

**行義** 採續命風引二方之要合而為一參入鮮皮桔萎以化外內風熱用棗湯煮取助脾氣以行藥力也

治癩癇厥時發作方 防葵 代赭石 人參 鉛丹 白殭蠶 鈎藤 茯神 雷丸 虎骨 生豬

白飲四 蛇蟻射口蛇蛇皮 白馬睛貼一右二十五味治下節酒服方寸七日亦可為丸

**行義** 祛風毒滌頑痰破癥結利孔竅鎮驚怯和血脈安神氣莫不畢具稍嫌龐雜勢分耳

**行義** 治風癲引脇牽痛發則吐耳如蟬鳴方 芎藭 藜本 藺茹略五 右三味吹咀內酒一斗煮取三升頓服羸者分三服取大汗

**行義** 芎藭治中風入腦頭痛藜本治風頭痛藺茹治大風惡氣皆本經主治

鵝頭丸 治風癲方 鵝頭一枚 葶藶子 鉛丹 虎掌 烏頭 梧婁根略三 甘遂 天雄 蜀椒

大戟略二 白朮一分 藺茹 鐵精略一 右十三味為末蜜丸如梧子酒下二丸日三服

**行義** 烏頭天雄藺茹蜀椒破結攻毒虎掌白朮祛風滌痰鉛丹鐵精鎮攝虛邪葶藶甘遂大戟枯薑

下泄毒風鵝頭上追風毒專取旋風健搏之義

**又方** 治癲癩瘰癧方 鉛丹一斤 飛鵝頭二枚 右二味為末蜜丸先食服三九日三劑者夜一稍加之

**行義** 鵝頭追風鉛丹鎮攝藥味專精較之前方更銳

**又方** 苳若子三升搗篩以酒一斗漬半日絞去滓湯中煎令可丸先食服如小豆二丸加至如梧子二

丸以知為度額上手中從文理中赤起是知也無此候更食病日發者三日愈間日發者十日愈五日發者二十日愈半歲發者一月愈

**行義** 苳若入癲狂方皆用其子且言勿令子破破則令人發狂今日搗篩酒漬去滓為丸是專用其毒以攻毒也

地黃門冬酒 治陰虛癲妄方 地黃斤三十 天門冬斤十 右二味搗取汁作煎服之瘥

**行義** 千金治癲都用祛風破結此獨養正除邪蓋生地黃有逐血除痺之功天門冬有暴風濕痺強

骨髓去伏尸之治至於釀酒為煎補益多端豈止治風癲惡疾而已哉

天門冬酒 通治五臟六腑大風洞泄虛弱五勞七傷癥結滯氣冷執諸風癲癩惡疾耳聾頭風四肢拘

攣

附張路玉先生行義 一 江左書林發行

攀猿退歷節萬病久服身輕延年齒落更生髮白更黑方 天門冬搗絞取汁二斗麴二升麴發以糯米二斗準家醞法造酒春夏極冷下飯秋冬温如人肌酸之酒熟取服一盞常令酒氣相接勿至醉吐慎生冷酢滑鷄猪魚蒜特慎鯉魚及忌油膩此是二斗汁法一石二斗亦準此 服十日覺身體癢疹大瘡二十日更大瘡三十日乃漸止此皆風氣出故也四十日即覺身心朗然大快五十日當風坐卧覺風不着人身中諸風悉盡 用米法先淨淘米曝乾臨欲用時別取天門冬汁漬米乾鹿炊之餘汁拌飯蜜封壓取天門冬汁法淨洗天門冬去心皮漉去水切壓取汁三四遍淨乾乃止此酒初熟味酸仍作臭泔腥氣但依式服之久停則香美封四七日佳凡八九月少少合至十月多合擬至來年五月相續服之入四月不得合服酒時若得散服得力更倍速散方如左

散方 天門冬去皮心曝乾搗作末以上件酒服方寸七日三加至三七久服長生凡酒亦得服  
 行義 天門冬本經首主諸暴風濕偏痺堅強骨髓單用一味釀酒以取專功兼散並進尤得力

灸法

大人癩小兒驚癩灸背第二椎及下窮骨兩處以繩度中折繩端一處是脊骨上也凡三處畢復斷繩作三折令參合如么字以一角柱中央灸下二角俠脊兩邊便灸之凡五處故畫圖柱以丹柱所灸五處各百壯削竹皮為度勝繩也 卒癩灸陰莖上宛宛中三壯得小便通即瘥云當屎是穴又灸陰莖頭三壯又灸足大趾上聚毛中七壯 又灸囊下縫二七壯 又灸兩乳頭三壯 又灸腎脈三十壯三報穴在鼻直中上入髮際 又灸天聰百會各漸灸三百壯炷惟小作 又灸耳上髮際各五十壯

論曰黃帝問曰有病怒狂者此病安生歧伯對曰生於陽也陽何以使人狂曰陽氣因暴折如難決故善怒名曰陽厥問曰何以知之對曰陽明常動太陽少陽不動而動大疾此其候也曰治之奈何曰衰其食即已夫食入於陰長氣於陽故奪其食即已使之服以生鐵落為後飯夫生鐵落者下氣疾也 論曰凡

入於陽病怒

驚甲湯 治邪氣夢寐寤時涕泣不欲聞人聲體中表削乍寒乍熱腰脊強痛腹中拘急不欲飲食或因

疾病之後勞動疲極或觸犯忌諱眾諸不節婦人產生之後月經不利時下青赤白肌體不生肉虛羸

瘦小便不利或頭身發熱旋復解散或一度交接彌日困極皆主之方 甲七枚 甘草 白薇一作

貝母 黃芩略 二麻黃 白朮 芍藥各一兩 防風三兩 凝水石 桂心 茯苓 知母各四兩 石膏六兩

右十四味以水二斗煮取四升溫服一升日三夜一

**行義** 此湯治肝氣內薄陽邪陷陰之病鼯甲性味與鼯甲相類 取此味入肝護陰引領麻黃桂心

開發陷陰之邪白薇黃芩分解交爭之熱知母石膏寒水石專化陰分之火茯苓白朮甘草共助實脾

之力芍藥收陰專瀉內動之火貝母化痰善解中氣之鬱廊風言採其蟲蟲即貝母之別名也

九物牛黃丸 治男子沾鬼魅欲死所見驚怖欲走時有來止皆邪氣所為不能自絕方 牛黃土精 荆

實木精 龍骨水精 空青天精 雄黃地精 曾青蒼龍精 玉屑白虎精 赤石脂朱雀精 元參元武精 右九味名曰九精

上通九天下通九地各一兩治下節蜜丸和如小豆先食服一丸日三稍加以知為度翼方云凡邪病當服五邪湯九精丸

**行義** 夫魘魅異端正人之所不屑然陰柔細人因邪入邪往往有之有真陽素虧陰邪內結不能

辟除邪妄者有遭風失溺心神恐懼而成惑亂者有猜疑難釋驚疲堵塞而妄言妄見者凡此皆驚恐

恙勞所變而千金咸以列之小腸腑者以小腸之脈上衝心貫肝肺肺病則魄不安肝病則魂不歸妄見

妄言這所不免如九物牛黃丸良由心腎本虛神志失守而為驚邪所觸故以牛黃主驚癩寒熱熱盛

狂瘵本經原有除邪逐鬼之治佐以荆實治風逐濕祛疫解熱曾空二青玉屑雄黃赤石脂龍骨鎮攝驚

妄獨取元參以導虛熱共襄配合九精之妙

十黃散 治五臟六腑血氣少亡魂失魄五臟覺不安忽忽喜悲心中善恐怖如有鬼物此皆發於大驚

及當風從高墜下落水所致悉主之方 雄黃 人參各五 黃芩 大黃 黃柏 黃芪 細辛 桂

心絡三黃連 黃昏 蒲黃 麻黃各一 黃環 澤瀉 山茱萸各二 右十五味治下篩末食溫酒服

方寸七日三不知加至二十七贏劣者更加人參五分 一方有半黃二分崔氏有蜀椒五分

**行義** 十黃散治本虛驚恐及風水外激故取雄黃以辟百邪以治陰邪濁惡之患人參黃芪桂心山

黃護持心腎血氣麻黃細辛外發肌表之邪黃芩黃連大黃黃柏蒲黃澤瀉內泄臟腑血閉惟黃昏黃

環人所未詳黃昏一名合歡本經安五臟和心志黃環本名狼跋本經治鬼魅邪氣寒熱但非常用品

以故罕有識者

別離散 治男女風邪男夢見女女夢見男悲愁憂恚怒喜無常或半年數月一發動方 桂心 茵芋

天雄 菖蒲 細辛 黃根 附子 乾薑各一 白朮 桑寄生各三 右十味治下篩酒服方寸七

日三凡修合勿令婦人雞犬及病者家人知見令邪氣不去禁之為驗

**行義** 別離散治男女風邪邪非外來風從內發用雄附桂薑熟因熟用以散肝木內動之風白朮黃

根寄生細辛菖蒲以清痰濕擾亂之竅茵芋一味專治五臟風濕毒邪也

四物為頭散 治鬼魅方 東海為頭即由根 黃牙石一名 茛菪子 防葵各一 右四味治下篩酒服方寸

七欲令病人見鬼加防葵一分欲令知鬼症者復增一分立有驗防葵茛菪並令人迷惑恍惚如狂不

可多服

**行義** 為頭即由跋乃虎掌之細者專主風毒痰腫結熱防葵治癩癩驚邪狂走茛菪療內痺拘急癩

狂金牙辟瘴癘毒風惡氣四味皆瞑眩之藥而防葵茛菪性稟陰毒用者尤為切慎

五邪湯 治邪氣啼泣或歌或哭方 禹餘糧 防風 桂心 芍藥 遠志 獨活 甘草 人參

白朮 石膏 牡蠣 秦光各二 防己 菖蒲 茯神 雄黃深師作黃丹 蛇蛻皮各一 右十七味以



煩則為執邪治以防已秦光白木之屬痰迷空竅則為驚邪治以雄黃牡蠣禹糧之屬驚喘歌哭則為虛邪治以遠志菖蒲茯神之屬凡此五邪靡不由心神怯弱所致甘草人參非特安神并佐諸藥之力病久正氣虛者非此不能尅應

茯神湯 治五邪氣入人體中見鬼妄語有所見聞心悸跳動恍惚不定方 茯神 茯苓 菖蒲 人

參略三赤小豆四合右五味以水一斗煮取二升半分三服

**行義** 病人神氣本虛而為驚恐志夢所傷有似鬼魅沾著而實非邪妄為害此湯最為合宜茯神安

心神茯苓守臟氣人參壯元氣菖蒲通心竅赤小豆導虛熱使丙火歸就壬水與後定志小丸開心散

功用彷彿

人參湯 治風邪鬼氣往來發作有時或無時方 人參 防風 烏頭 乾薑 桔葉根異作澤瀉

狗脊 遠志 附子 黃芩 獨活各五秦光 牡蠣 山茱萸 五味子 前胡 細辛 石膏

芎藭 蜀椒 牛膝 甘草 石南 桂心 桑白皮 麻黃 竹皮 白木 橘皮各十鬼箭羽異

譯 茯苓各十大棗十六右三十二味以水六升酒六合煮取四升分五服日三夜二

虎睛湯 治狂邪發無常披髮大叫喚欲殺人不避水火方 虎睛 鷓鴣頭 露蜂房各一茯苓 桂心

防風各三人參 甘草 天雄 獨活各一石長生六分楓上寄生五分右十二味以水一斗二

升煮取三升分四服日三夜一〇又方 防葵 人參 貫衆各五防風 桂心略三右五味以

水一斗煮取三升分四服稍服亦可

治卒發狂方 苦參五斤為末蜜和丸如酸棗大單服十丸

治魅方 水服鹿角末方寸七日三〇又方 水服獾肝末日三

治狐狸諸色精魅作種種惡怪令人恐怖狂癲風邪方 雄黃六斤油二斗右二味破雄黃如棊子并油

內大鑊中以盆合頭作竈微火煎九日九夜不得少時火絕亦不得火冷須火熱微微不絕辟諸精魅神驗

治風邪方 商陸根三十斤去皮細切以水八斗東向竈煎減半去滓更煎令可丸如梧子大服一丸合時勿令人見更有葇蓉方大豆紫湯皆可取汗出佳葇蓉方見此篇前大豆紫湯見前三卷婦人門又方 燒蝦蟆末水服方寸七日三〇又方 水服伏龍肝末方寸七日三

行義

人參湯治本氣虛寒毒邪暴虐故以參朮烏附麻黃石膏狗脊鬼箭羽犀隊交攻寒熱互舉用

虎睛湯專取虎睛參苓定魄安神天雄桂心鵝頭蜂房石長生辟除陰毒大半由虎睛丸方餘皆截風之味又方防葵辛寒大毒專攻癩癘驚狂貫衆辟邪毒惡氣防風治木盛生風桂心通關節結氣人參助諸藥之力也 苦參苦寒下降專散心腹結氣 鹿角取貫頂純陽辟陰邪散血腫 獺肝治傳尸殺

療殭殍邪氣 雄黃性燥純陽油煎以辟精物惡鬼邪氣 商陸性寒至陰治水腫腹脹殺鬼精物 蝦蟆灰辟邪解毒專破陽明結積脹滿 伏龍肝取火土之餘烈以攝陰邪之內蘊也

鍼灸法

論曰凡諸百邪之病源起多塗其有種種形相示表癩邪之端而見其病或有默默而不聲或復多言而謾說或歌或哭或吟或笑或眠坐溝渠噉食糞穢或裸形露體或晝夜行走或嗔罵無度或是蜚蠊精靈手亂目急如斯種類癩狂之人今鍼灸與方藥並主治之凡古風之家亦以風為鬼斷 扁鵲曰百邪所病鍼有十三穴凡鍼先從鬼宮起次鍼鬼信次至鬼壘又至鬼心鍼至五六穴即可知矣若是邪蠱之精便自言說論其由男從左起鍼女從右起鍼若數處不言便遍鍼穴也仍須依掌訣檢目而治之萬不失一黃帝掌訣別是術家祕要 第一鍼人中名鬼宮從左邊下鍼右邊出 第二鍼手大指爪甲下名鬼信入肉三分 第三鍼足大趾爪甲下名鬼壘入肉二分 第四鍼掌後橫文名鬼心入肉半寸即大

枕火鍼七銜三下第七銜耳前髮際宛宛中耳垂下五分名鬼牀火鍼七銜三下第八銜承漿

名鬼市從左出右第九銜手橫文上三寸兩筋間名鬼路第十銜直鼻上入髮際一寸名鬼

堂火鍼七銜三下穴也第十一銜陰下縫灸三壯女人即玉門頭名鬼臧第十二銜尺澤橫文

外頭接白玉際名鬼臣火鍼七銜三下穴也第十三銜舌頭一寸當舌中下縫刺貫出舌上名鬼

封仍以三板橫口吻安鍼頭令舌不得動已前若是手足皆相對鍼兩穴若是孤穴即單鍼之邪鬼

妄語灸懸命十四壯穴在口唇裏中央經絡者是一邪病臥瞑瞑不自知風府主之鬼穴邪病大噫

罵走灸十指端去爪一分鬼城邪病大噫罵走遠三里主之鬼邪邪鬼病癩四肢重頓上主之鬼門

邪病四肢重痛諸雜候尺澤主之尺冲動脈邪病語不止及諸雜候人中主之客脈

倉公法 狂癩不識人癩病眩亂灸百會九壯 狂走擊癧灸玉枕上三寸一法頂後一寸灸百壯 狂

邪鬼語灸天窗九壯 狂走癩疾灸頂後二寸十二壯或灸大幽百壯 狂言恍惚灸天樞百壯 狂走

癩癩灸季肋端三十壯或灸河口五十壯穴在腕後腕狂癩哭泣灸手逆注三十壯穴在左右手狂癩

風癩吐舌灸胃腕百壯 狂邪發無常披髮大喚欲殺人不避水火及狂言妄語灸間使三十壯穴在腕

臂上兩骨間亦治驚恐歌哭狂走喜怒悲泣灸巨覺一作攪隨年壯穴在背上甲內側反手所不狂邪鬼語灸伏兔

百壯 悲哭鬼語灸天府五十壯 悲泣邪語鬼忙歌哭灸慈門五十壯 狂邪驚癩灸承命三十壯穴

內踝後上行三寸動脈上狂癩風驚厥逆心煩灸巨陽五十壯 狂癩鬼語灸足太陽四十壯 狂走驚恍惚灸足

陽明三十壯 狂癩癩易疾灸足少陽隨年壯 狂走癩厥如死人灸足大趾三毛中九壯云灸狂

走易罵灸八會隨年壯穴在陽明狂癩驚走恍惚喜笑罵歌哭鬼語悉灸腦尸風池手陽明太陽太

陰足陽明陽蹻少陽太陰陰蹻足跟皆隨年壯 驚怖心忪少力灸大橫五十壯 狂風罵詈搗斫人名

為熱陽風灸兩吻邊燕口處赤白際各一壯又灸陰囊縫三十壯令人正卧核卵上灸之勿近前中卵恐

傷陽氣也 狂走刺人或欲自死罵詈不息稱神鬼語灸口吻頭赤白際一壯又灸兩肘內屈中五壯又

附張路玉先生行義

江左書林發行

灸背胛中間三壯報灸之神效倉公法 鬼魅灸入髮一寸百壯又灸間使手心各五十壯 狐魅合手大指

縛灸合間三七壯當狐鳴即瘥 卒狂言鬼語以甌帶急合縛定兩手大指使灸左右脇下對屈肋頭兩

處火齊起各七壯須臾鬼自道姓名乞去徐徐問之乃解其手 卒中邪魅恍惚振噤灸鼻下人中及兩

手足大指爪甲令艾圓半在爪上半在肉上各七壯不止十四壯炷如雀屎大 風邪灸間使隨年壯

又灸承漿七壯又灸心膈七壯又灸三里七壯 卒狂鬼魔鍼其足大拇趾爪甲下入少許即止

風虛驚悸第六方二十三首

遠志湯 治心氣虛驚悸善忘不進食補心方 遠志 乾薑 白朮 桂心 黃芪 紫石英各三人

參 茯苓 甘草 芎藭 茯神 當歸 羌活 防風略 麥門冬 半夏略 五味子二合 大棗

批十二右十八味咬咀以水一斗三升煮取三升半分五服日三夜二

行義 嘗攷靈樞經脈陰陽相貫如環無端病則寒熱相移靡所底止如驚悸善忘良由心氣之虛虛

則風火相乘勢必傳之於腑非若傷寒之邪流入奇經從陽維而為傳變次第也如遠志補心湯中生

脈保元滋降心火理中四君固實脾土火降則心肺安土實則腎肝固五臟相牽受其益矣更須用芎

歸桂心以和營血遠志茯神以利關竅羌防以祛風濕半夏以滌痰涎紫石以鎮心怯大棗以和脾氣

并和諸藥性味也

又方 治中風心氣不足驚悸言語謬誤恍惚憤憤心煩悶耳鳴方 遠志 黃芪 茯苓 甘草 芎

藜 當歸 桂心無一方 麥門冬 人參略 附子一兩 獨活四兩 生薑五兩 右十二味咬咀以水一斗

二升煮取四升每服八合羸人服五合日三夜一

行義 前方重在脾虛不進飲食故須理中四君此方重在腎虛風火上乘故用附子獨活并藉保元

歸芎以培養血氣收攝虛陽也

治風邪五臟大虛驚悸方

獨活 白朮 兩 酸棗仁 一升 細辛 乾薑 兩 右十二味 㕮咀以水九升 煮取三升 分三服

**行義** 東垣云五臟大虛驚悸必先健運中氣故首推理中薑桂實脾寧神酸棗收津除煩龍骨鎮驚

安魂辛防獨活疎理虛風遠志茯苓交通心腎而神志安矣

又方 治風虛滿頸項強心氣不定不能食方 茯苓 麥門冬 略四 人參 遠志 羌活 當歸 甘

草 紫石英 五味子 略二 半夏 黃芪 防風 略三 酸棗仁 三升 生薑 五兩 右十四味 㕮咀以水一

斗三升 煮棗仁至一斗去棗內餘藥煎取三升半 每服七合 日三次

**行義** 風虛項強風氣在上故用保元生脈專取防風佐黃芪以禦虛風當歸輔黃芪以和營血酸棗

配門冬以滋津液紫石統五味以溫金水茯苓神遠志得薑辛羌活祛風痰而利九竅也

補心湯 治心氣不足病苦驚悸汗出心中煩悶短氣喜怒悲哀悉不自知常苦咽喉痛口唇黑嘔吐血

舌本強不通水漿方 紫石英 人參 茯苓 遠志 當歸 茯苓 作深師 紫菀 甘草 略二 麥門冬

一升 赤小豆 三合 大棗 枚三十 右十一味 㕮咀以水一斗二升 煮取三升 分三服 〇又方 治心氣不足

多汗心煩喜獨語多夢不自覺咽喉痛時吐血舌本強水漿不通方 紫石英 人參 茯苓 桂心

各二 麥門冬 三兩 紫菀 甘草 略一 赤小豆 四升 大棗 七枚 右九味 㕮咀以水八升 煮取二升 半分三

服春夏服佳 〇又方 治奄奄忽忽朝瘥暮劇驚悸心中憧憧胸滿不下食陰陽氣衰脾胃不磨不欲

聞人聲定志下氣方 人參 茯苓 遠志 甘草 枳實 當歸 龍齒 桔梗 略二 半夏 桂心

各五 黃芪 四兩 茯苓 三兩 生薑 六兩 大棗 枚十 右十四味 㕮咀以水一斗二升 先煮梗木五合 令熟去

滓內諸藥煮取四升 一服八合 日三次 〇又方 治心氣不足心痛驚恐方 遠志 蒲黃 一方用

人參 茯苓 各四 右四味 㕮咀以水一斗 煮取三升 半分三服 〇又方 治心氣不足腹背相引痛不

能俯仰方 茯苓 遠志 黃芪 乾地黃 麥門冬 石膏 各四 半夏 桂心 附子 生薑 各二

甘草 阿膠 糖 略一 大棗 枚三十 右十四味 以十二味 㕮咀水一斗 煮取三升 去滓內糖及膠更煎取

二升二合分三服此方與前心虛實篇大補心湯相重分兩不同

**行義** 補心湯藥味主治大率與遠志湯相彷彿以不進飲食故理中薑桂為必須此以咽喉痛吐血

則紫苑赤小豆為要藥 次方治獨語多夢則前方中茯神遠志當歸正當進用而反裁汰者以仁柔

無制伏龍雷之力故易桂心以攝肝火之浮散 第三方神魂不寧故彷彿平補鎮心龍齒清魂之法

兼保元歸芪以駕馭之枳桔荖牛蓋棗疎滌空竅之痰涎也 第四方以有心痛故參蒲黃於參芩遠

志劑中以散血為務 第五方腹背引痛不能俛仰瘀積流入經脈故屏除參芩補氣之味專取地黃

阿膠滋培營血桂心附子茯神遠志開通經竅黃荖石膏麥冬清理肌表旺氣半夏薑棗滌除隔上頑

痰甘草飴糖和脾緩急以和腹背相引之痛

小定心湯 治虛羸心氣驚弱多魘方 荖荖 四兩 桂心 三兩 甘草 芍藥 乾薑 人參 遠志各二

大棗十五枚 右八味咬咀以水八升煮取三升分四服日三夜一

大定心湯 治心氣虛悸恍惚多忘或夢驚魘志少不足方 人參 荖荖 茯神 遠志 赤石脂 龍骨 乾薑 當歸 甘草 白朮 芍藥 桂心 紫苑 防風各二 大棗二十枚 右十五味咬咀以

水一斗二升煮取三升半分五服日三夜一

**行義** 定心首宜實脾以禦陰火之逆方下所主驚弱多魘明是土氣虛寒不能營養肝木所以神魂

不寧故於桂枝湯中易乾薑桂心以溫肝脾兼參荖遠志交通心腎以安神明也 大定心湯即於前

方加白朮以理中氣輔桂心以和營血更須龍骨赤脂以鎮心肝之怯其餘荖神防風當歸紫苑則又

桂心荖荖芍藥大棗之佐也

治驚勞失志方 甘草 桂心 龍骨 防風 麥門冬 牡蠣 遠志 茯神 大棗二十枚

防風通達用氣參冬甘草大黃澤瀉益心脾實則風無障可入矣

荆瀝湯 治心虛驚悸不定羸瘦病方 荆瀝二升 茯苓神 白藓皮各三人 二兩 白銀斗煮取二升

右三味咬咀以荆瀝銀汁中煮取一升四合分三服相去如人行十里久進一服○又方 荆瀝二升

緩火煎取一升六合分温四服日三夜一

行義 驚悸虛羸多由風氣內動雖用人參益氣茯苓神安神然必首推荆瀝治風逐濕解熱消痰佐以

白藓皮兼祛肌表風熱白銀煮湯煎服以鎮心肺之怯也 又方 單用荆瀝煮服功力尤專

鎮心湯 治風虛勞冷心氣不足善忘恐怖神志不定方 防風 當歸 大黃 麥門冬各五 澤瀉

大豆黃卷 白斂各四 菖蒲 人參 桔梗 遠志 桂心 薯蕷 石膏各三 乾薑 茯苓 紫菀

略一甘草 白朮各十 附子 茯苓各二 秦艽六分 粳米半升 大棗五兩 右二十四味咬咀以水一斗

二升先煮粳米令熟去滓內藥煮取四升分服日三夜一翼方不用粳米蜜丸如梧子酒服十九加至二十九

大鎮心散 治心虛驚悸夢寐恐畏方 紫石英 茯苓 防風 人參 甘草 澤瀉各八 黃芪 白

朮 薯蕷 秦艽 白斂各六 麥門冬 當歸各五 桔梗 大豆黃卷 栝子仁 桂心 遠志 大

黃 石膏各四 乾薑 蜀椒 芍藥 細辛各三 右二十四味治下篩酒服三方寸七日三 一方無

紫石英茯苓澤瀉乾薑有大棗四分蜜丸如梧子大酒下十五丸○又方 治風虛心氣驚弱恍惚失

常忽噴志悲意不樂方 紫石英 白石英 硃砂 龍齒 乾地黃無一本 人參 白朮 茯苓

桂心 乾薑 天雄 附子 細辛 防風 遠志各三 右五味治下篩酒服兩方寸七日三

小鎮心散 治心氣不足虛悸恐畏悲思恍惚心神不定惕惕然驚者方 人參 白朮 遠志 附子

桂心 黃芪 細辛 乾薑 乾地黃 赤小豆 龍齒 防風 菖蒲各二 茯苓四兩 右十四味治

下篩酒服二方寸七日三

鎮心丸 治男子婦人虛損夢寤驚悸或失精神婦人赤白注漏或月水不利風邪鬼疰寒熱往來腹中

附張路玉先生行義

江左書林發行

精聚憂急結氣諸病方 紫石英 茯苓 菖蒲 肉蓯蓉 麥門冬 遠志 大黃 當歸 細辛

大豆黃卷 卷栢 乾薑各五分 人參 丹參 防風 秦朮 澤瀉各六分 柏子仁 芍藥 石膏各三分

烏頭 桂心 桔梗 甘草 薯蕷 前胡 白薇 鐵精 銀屑 牛黃各二分 白木 半夏各三分 麝香各二分 乾地黃各二分 大棗各五十枚 右三十五味為末蜜棗和搗五千杵丸如梧子酒服五丸日三加至二十丸一本無豆卷大棗

大鎮心丸 治同前凡是心病悉主之方 乾地黃六分 牛黃五分 膝一分 菟活 桂心 秦朮 芎藭 人

參 遠志 麥門冬 丹砂 阿膠 甘草 大黃 紫石英 銀屑 白薇 當歸 乾薑 防風

各八分 杏仁 蜀椒各三分 澤瀉 黃芪 大豆黃卷 茯苓 薯蕷 茯苓 前胡 柏子仁 鐵精各五分

分桑螵蛸一枚 大棗四十枚 右三十二味為末白蜜棗和丸酒服七丸日三加至二十九丸

小鎮心丸 治心氣少弱驚虛振悸胸中逆氣屢參夢錯謬忘恍惚方 紫石英 硃砂 茯苓 銀屑

雄黃 菖蒲 人參 桔梗 乾薑 遠志 甘草 當歸 桂心各二分 防風 防己 細辛 鐵精

各一分 右十七味為末蜜丸如大豆飲服十九日三加至二十九丸 一方有茯苓二分為十八味

定志小丸 治心氣不定五臟不足甚者憂愁悲傷不樂忽忽善忘朝瘥暮劇暮瘥朝劇狂眩者方 人

參 茯苓各三分 菖蒲 遠志各二分 右四味為末蜜丸如梧子大飲服七丸日三加茯苓為茯苓神丸散服

之亦佳

**行義** 鎮心者心氣本虛風上擾煽動君火而力為之鎮攝也君火不寧必有濁液凝聚心下以心

包無從開泄是必假道濟泌而循出路故千金列之腸腑乃取金匱薯蕷丸風氣百疾之治兼借風引

湯鎮固虛風之法鎮心湯中防風當歸麥冬大豆黃卷白薇薯蕷人參白朮甘草乾薑茯苓桔梗皆薯

蕷丸中之藥大豆黃桂心石膏又從風引湯中參入加入附子一味收斂虛陽其餘菖蒲遠志茯苓紫苑

...

...

...



一 又方因肝腎虛火侮君主故裁去延緩諸味首取風引湯中紫白石英龍齒薑桂鎮驚斂魂意謂前湯之附子不足而益以天雄前散之紫石無不足而益以白石英更加硃砂龍齒兼該鎮固之力祇恐雄附過烈進用地黃陰陽兼濟之妙無以喻之小鎮心散即大鎮心散減去石英椒桂大黃石膏等味而進龍齒收斂肝魂赤小豆導引心火從水道開泄也 鎮心丸兼取薯蕷丸風引湯之法尚恐石藥不能鎮固更需鐵精至重之性得純陽火練則輕浮上升兼取銀屑鎮驚逐邪諸金石中無以過之痰在心包雖用半夏非牛黃不能透出膈膜若痰垢不除總力為鎮攝亦無益於治其餘前胡卷柏柏子仁丹參烏頭麝蟲等味良由婦人子藏受風血室不淨之故如無此等證當無藉此 大鎮心丸所治與前方大同柔蠲收澹小便與前方小異 小鎮心丸中硃砂雄黃鐵精銀屑專鎮魔夢參錯薑桂參神助長於中防已防風開發上下合七方參之則鎮驚之法纖微畢具略無罅漏矣 定志小丸與前發神湯立法相類彼治心悸恍惚故用茯神赤小豆專清心包之火此治忽忽善忘故用遠志再辟闕竅之痰

紫石英酒 治久風虛冷心氣不足或時驚怖方 紫石英一斤 鍾乳 防風 遠志 桂心各四 麻黃

茯苓 白朮 甘草各三 右九味以酒三斗春日漬五日每服四合日三不可至醉常令有酒氣

**衍義** 久風虛冷襲於心包雖用麻黃防風不能使透膈膜故用苓桂朮甘湯和營健脾逐濕祛痰更

取鍾乳之反激助雄紫石之搜逐陰邪遠志之通關利竅漬之以酒則麻黃防風得以遲緩祛之力

好忘第七方十六首

枕中方 常服令人大聰 鼈甲 龍骨 菖蒲 遠志 右四味等分治下篩酒服方寸七日三

治多忘令人不忘方 菖蒲二分 遠志七分 茯苓 茯神 人參各五 右五味治下篩酒服方寸七日二

夜一五日後知神良

開心散 治好忘方 菖蒲一兩 遠志 人參各十 茯苓二兩 右四味治下篩飲服方寸七日三〇又

方 菖蒲 遠志 茯苓各三 續斷 肉蓯蓉各二 右五味治下篩酒服方寸七日三至老不忘

菖蒲益智丸 治善忘恍惚破積聚正宜安神定志聰耳明目方 菖蒲 附子 遠志 人參 桔梗

牛膝各五 茯苓七分 桂心三分 右八味為末蜜丸如梧子一服七丸加至二十九日二夜一禁如藥法

**行義** 人之好忘有因病而心神離散腎氣失強痰涎乘虛而憑凌竅隨者則宜利竅安神神氣自復

亦有素稟善忘者乃五臟皆大而緩於事神丹不能開鑿靈機令人聰慧也枕中方首取鼈甲專通任

脈以益至陰次用龍骨專通衝脈以收虛陽遠志交通心腎菖蒲開發機竅以佐龜龍鎮固腎肝也

次方專收神氣虛浮故用人參助菖蒲遠志茯苓茯苓神利竅安神之力也 開心散較前方但少茯苓

既有茯苓不須複劑也 第四方茯苓溫補命門通利關節佐以遠志菖蒲茯苓續斷亦取滋降不

使虛火上干諸竅擾亂靈明菖蒲益智丸專主腎氣虛寒不能上交於心故全用開心散四味加牛膝

桂附導火歸源桔梗開通結氣以本經原有驚恐悸氣之治合開心散之菖遠參苓共襄開心利竅之

功以杜虛陽上逆之患

養命開心益智方 乾地黄 人參 茯苓各二 遠志 肉蓯蓉 鬼絲子各三 蛇牀子 二分 右七味治

下篩服方寸七日二忌食兔肉餘無忌

**行義** 地黄滋心血人參固中氣茯苓安神志餘皆滋補下元收攝虛陽不使上擾靈明也

八味散方 天門冬六分 桂心 茯苓各一 乾地黄四分 菖蒲 遠志 石葦 五味子各三 右八味治

下篩後食或酒或水服方寸七三十日力倍六十日氣力強志意足

治健忘方 天門冬 遠志 茯苓 乾地黄 右四味等分為末蜜丸如梧子大酒服二十九日三加

至二十九常服勿絕 治好忘久服聰明益智方 龍骨 虎骨 遠志等分 右三味治下篩食後服方寸七日二

利熱邪從水道開泄也 次方四味治健忘是服八味散後虛陽稍除水道通利但用滋培刺窠可以恒用無疑龍骨入肝斂魂虎骨透骨追風風從內發而上擾於窠者非此不治更取遠志交通上下以病本陰邪專力久服可以永熄虛陽恒保貞固

又方 七月七日取菖蒲酒服三方寸七飲不至醉 又方 常以甲子日取石菖蒲一升九節者陰

乾百日治下飾服方寸七日三耳目聰明不忘 出衛州 又方 七月七日麻勃一升人參三兩為

末蒸令氣徧臨夜卧服一刀圭盡知四方之事 ○又方戊子日取東邊桃枝二七枚縛著卧牀中枕之

不忘 ○又方常以五月五日未出時取東向桃枝作三寸未人著衣帶中令人不忘 ○又方 丁酉

日自往市買遠志裹著衣中角頭還作末服之不復忘

治人心昏塞多忘易誤方 七月七日取蜘蛛網著衣領中勿令人知不忘

**衍義** 菖蒲開竅麻勃祛風人參益氣桃枝辟邪遠志通心方雖專主總不能開鑿機竅改易本來重

開生面也至於蛛網不過取義而已

孫真人備急千金要方衍義卷十四終

兩敬路玉先生衍義

十三 江左書林發行